



सानसेयारि "बड'सा" खीरौलाइयाव
अमाजयारि जिउजौ लोब्बा थानाय रायथाय, खन्थाय,
अल', अल'बाथा आरौ दावबायारि थावनि, पार्क
बाइदिनि स्यायाव लिखनाय लिखिदां दैथाय हर/
सानसेयारि "बड'सा" खीरौलाइया खेबखानावै
फोस्रावगोन/

बड'सायाव लिखनायनि हुवा खालाम,
"बड'सा" खी नौथो, जौ बयबो आंगो खालाम/

सानसेयारि बड'सा मावखुलि

माइबं नोगोर, जोहोलाव दैमालु लामा

ककाझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Monday ★ 13 January, 2025 Kokrajhar, BTC, Assam ★ Vol.-33, Issue No. 287 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

उमरांस 'नि खैला खनियाव
थाबथानाय मावफारिया खुशिमहन
रायनि गोथै सहखौ बोखांदों



ककाझार, 12 जानुवारि: जोबथारनायाव रांखान्थियारि
आंखालनिफ्राय गावनि नख 'रखौ बोखांनो थानाय ककाझारनि
सिथिला माजेरागानि खुशिमहन राय मुनि मावफारियायि गोथै
सहखौ बोखांनो हाबाय। मख'नो गोनांदि, से खवसे दान
सिगां उमरांस 'आव खैला खनियाव खामानि मावहैनाय
खुशिमहन रायआ थानाय 6 (□ 6 बिलाइआव)

डिमाकुसिनि दैमु नोगोर फोथाराव बर' थुनलाइ आफादनि 64 थि जथुम्मानि जोबथा सानावबो रोजा रोजा सुबुनि बाना

बर' रावनि बिजाब दिहुन्नो बोसोरफोमबो 1 कौटि रांखान्थियारि अन्सुंथाय होलांगोन बिटिआर सरकारआ

डिमाकुसि, 12 जानुवारि:
उदालगुरि जिल्लानि डिमाकुसि
दैमु नोगोर फोथाराव खुंजानाय
बर' थुनलाइ आफादनि 64 थि
बोसोरसालिया जथुम्मानि दिनें
जोबथा सानावबो थुनलाइ मोजां
मोनग्रा रोजा रोजा
अन्सायारिफोरनि बाहागो
लानायजौ जथुमसालिया सुबुनि
बानाजौ लोमसावदों। दिनें
जोबथा साननि गेवलां मेलाव
गुबुन गुबुन हारि, रावआरि



सुबुंफोर बाहागो लानायजौ दैमु
नोगोरनि जथुम सालिया मोनसे
गोरबथिलिनिबो महर मोन्दों।
दैमु नोगोर फोथाराव खुंजानाय बर'
थुनलाइ आफादनि 64 थि
बोसोरसालिया जथुम्मानि गेवलां
मेलखौ बेखेवनानै होयो आसाम
आइन आफादनि बुंथिगिरि
बिश्वजित दैमारिआ। गेवलां
मेलखौ आफादगिरिनि मासि
लानानै सामलायो आफादनि
(□ 6 बिलाइआव)

मागो दमासिखालि
दर 5 जिल्लायवा
अखा हागोननि
सांग्रांथि होदों बोथोर
बिगियान बिफाना

गिबि मन्थिआ चांसारिआव गुन गोनां फरायसाफोरखौ बरायदों

फरायसाफोरा थांखियाव सौहैब्ला जिउआव उनफिन्ना नायनो गोनां जाया: गिबि मन्थि

गुवाहाटी, 12 जानुवारि:
राइज्यो नाडेनो मागो दमासिखौ
लानानै साखा-फारा
खालामनाया आबु जाबाय।
शंक्रान्ति हराव ज'-ज'थै
बोथिसे जानो थिसारि जादों
साफोमबो असमीयाफोरा।
दासांथि खामानि मावनो गुबुन
जायगायाव थाहैनाय साफोमबो
सुबुंफोर गाव-गावनि न' फासै
मोखां जादों। गुबुन फासैथि,
शंक्रान्ति आरौ मागो
दमासिखालि राइज्योयाव
(□ 6 बिलाइआव)

दिसपुर, 12 जानुवारि: गिबि
मन्थि उ हिमन्त बिश्व शर्माआ
दिनें कामरुप जिल्लानि
बंशरआव थानाय शंकरदेब शिशु
बिद्या निकेतनि रुफथि माइथाय
फालिथायाव बाहागो लायो।
बेनि लोब्बाजौ खुंनाय
हाबाफारियाव गिबि मन्थि उ
शर्माआ बुडोदि, 21 थि
जौथायनि जागायजेन्नायाव
2001 माइथायाव बंशरनि
माखासे सोलौं थाइगिरि
सुबुंफोरनि गोखौ नाजानायव
माखासे फरायसाफोरा बंशर



तिनिआलि सकआव सोलौं थाइ फसंथानाव
जागायजेन्नाय बे फरायसालिया
दिनें मोनसे सिगां सारिनि
सोलौं थाइ फसंथानाव
सोलायदों। फरायसालिनि 25
बोसोरनि साधनाया सिद्धि

आसामनि राइज्यो बेंगिरिया 'लाइभस्टक एन्ड पलट्री एक्सप'- 2025' आव बाहागो लादों

गुवाहाटी, 12 जानुवारि:
आसामनि राइज्यो बेंगिरि
लक्ष्मण प्रसाद आचार्यआ दिनें
खानापारायाव जाबाय थानाय
'लाइभस्टक एन्ड पलट्री
एक्सप'-2025' आव बाहागो
लायो। जिब-जुनात फिसिनाय
आरौ जुनात फाहामथाय
बिफानजौ खुंजानाय बे
एक्सप'आव गासै राइज्योनि
आबादारिफोर आरौ लाइमोन



सत्येन्द्र बसुमतारिनि ड्रेगन फ्रुट बागान नायदिंदों भारत सरकारनि फालांगि बिफाननि मन्थिआ

उदालगुरि, 12 जानुवारि:
दुलाराइ भारतनि जौगाथायनि
थाखाय मिरु सरकारनि गुबुन
गुबुन बिथांखि, राइज्यो
सरकारनि बिथांखि आरौ जिल्ला
हाबाफारिनि सिडव गुबुन गुबुन
जौगालु खामानिफोरनि
नायबिजिनरनायनि बाहागो महरै
दिनें भारत सरकारनि फालांगि,
उद्यग, इलेक्ट्रिक आरौ
फोरमायथाय बिरों दामिन
बिफाननि मिरु मन्थि जितनि
प्रसादा उदालगुरि जिल्लायवा
दावबायफैयो। दावबायफैनाय
समाव मिरु मन्थि प्रसादाआ
उदालगुरिनि बैगिरि गामिनि
सत्येन्द्र बसुमतारिनि ड्रेगन



फि थाइनि बागानखौ
नायगिदिहैयो। बे बिथांखिखौ
एमजिएनरेगा बिथांखिनि
मिजिंथिजाथाव जिल्ला
हाबाफारिनि सिडव मावफुंनाय
जादों। मन्थिजौ लोगोसे जिल्ला

चापरआव
स्वामी
बिबेकानन्दनि
जोनोम सान
फालिदों

चापर, 12 जानुवारि: धुबुरि
जिल्लानि चापर सहरनि 5 नं
वाडैआव थानाय श्रीश्री
दक्षिनेस्वरि कालि मन्दिरनि
लांगोनायाव दिनें सानजौफुनि
11 रिंगानिफ्राय स्वामी
बिबेकानन्दनि जोनोम सान
फालिनाय जायो। बे मन्दिरनि
हेफाजाव आरौ आलकेरे जात्रा
मुनि मोनसे एनजिअनि
बान्जायनायाव खुंनाय बे
हाबाफारियाव चापरनि रत्निपठ
फरायसालिमानि आजिरा
मोन्नाय गोरायु तरनि कान्त
रायआ गाहाइ आलासि महरै
बाहागो लानानै स्वामि
बिबेकानन्दनि सावगारियाव
(□ 6 बिलाइआव)

माहारियारि लाइमोन सान खुंदों

भारतवर्षनि मोनसे गोजौ इयुननि सिमां सोरजिनाय स्वामी बिबेकानन्दआ
जिउनाडै: लाइमोन जोलैखौ थुलुंगा होदोंमोन: उ हिमन्त बिश्व शर्मा

दिसपुर, 12 जानुवारि:
आसामनि गिबि मन्थि उ
हिमन्त बिश्व शर्माआ दिनें
स्वामी बिबेकानन्दनि गोथार
जोनोम सानाव भारतीय जनता
युव मर्चा, आसाम प्रदेशनि
बान्जायनायाव गुवाहाटीनि
श्रीमन्त शंकरदेब कलाक्षेत्रनि
श्रीमन्त शंकरदेब हारिमायारि मेल
जथुमसालियाव खुंनाय
माहारियारि लाइमोन साननि
हाबाफारियाव बाहागो लाफैदों।
बेखौ लोब्बा लानानै खुंनाय
हाबाफारियाव दिनें सानखौ
भारतआरि सान्थौ, सनातन



सोदोमसि आरौ बिश्वगुरुनि
मासियाव थाहोनी थाखाय
गावखौनो बाउसोमनायफोरनि
थाखाय मोनसे गोथार सान

होन्नानै गिबि मन्थि उ शर्माआ
बुंदि, भारतवर्षनि मोनसे
गोजौ इयुननि थाखाय सिमां
सोरजिनाय स्वामी

बिबेकानन्दआ जिउनाडै
लाइमोन जोलैखौ थुलुंगा
होदोंमोन। हाबाफारियाव स्वामी
बिबेकानन्दनिसिम गोसो
गोर्बोजौ मान बाउनानै गिबि
मन्थिआ बुंदि, भारतवर्षनि 5
रोजा बोसोर सोदोमसिया
थिखानाय समनि गेजेराव साफा
जोहोलाव सोरजिबोदों,
जायफोरा दिनेंसिमबो सनातन
जिउखौ थुलुंगाखां होयो।
बुंदि, बालिमकीनफ्राय बेदब्याससिम
आरौ इयुन समाव चाणक्य,
(□ 6 बिलाइआव)

रुंसारि गपाल चन्द्र बसुमतारि
गोसोखां जोलुर
बादायलायनाय खुंफुलांबाय



ककाझार, 12 जानुवारि: ककाझारनि कासिबारिनि कान्दाराम
बसुमतारि मिनि स्टैडियामाव दिनें खुंनाय थामथि रुंसारि गपाल
चन्द्र बसुमतारि गोसोखां जोलुर ट्रफिखौ बरलांफा कलाबआ
देहाबाय। जोबथा बादायलायनाय बरलांफा कलाबा गावबुरा
एस'सिएशननि हान्खाखौ 0-1 गलनि (□ 6 बिलाइआव)

निखावरि राइजो-राजाफोरनो गावसुंथा आफाद बिरांगनाआ जि-जोम गथायदों

गसाइगाव, 12 जानुवारि: उन्दै
बैसोआव जुलि जानाय, दायना
बुथारनाय, गथ'सा खामानि
मावग्रा बायदि समाजनि गोखौं
जेनाफोरनि हेंथायै सांग्रांथि
सोरजिनायजौ लोगोसे बेफोरनि
हेंथायै बासिनथारै सुबुंफोरनि
हेफाजाब मोन्नायजौ थाद'नाय
गैयै खामानि मावबाय थानाय
गसाइगाव महकुमानि गोजौ
थाखोनि आइजो गावसुंथा
आफाद 'बिरांगना' आ दिनें
निखावरि राइजो-राजाफोरनि
गेजेराव जि-जोम गथायनाय



मोनसे मख'जाथाव हाबाफारि
आजावना लादों। दिनें गुमा हारा

ओन्सोलनि 1 नं सादपुर
गामियाव फैनानै गामिनि हौवा-

आइजो आरौ गथ'साफोरजौ
(□ 6 बिलाइआव)

मागो दमासि फोर्बोआ सानसेल' आद्रा दसै

सुबुंफोरनो गोगो गाइखेर दाखा-क्रिम
जगायनो बाक्सानि गाइखेर
फानग्राफोरा थियारिसै

सालबारि, 12 जानुवारि: सोलिफु मागो दमासि फोर्बोआ
गेजेराव खुंजानो सानसेल' आद्रा दसै। आंगोनि मागो दमासि
फोर्बोखौ राइज्योनि थागिरिफोर बययनो साखा-फारा जाबाय।
दमासिजौ लोगोसेनो राइजो-राजाफोरनो गाइखेर दाखा-
क्रिमफोरखौ जगायनो साखा-फारा जादों गाइखेरनि गलाफोरा।
मागो दमासि होनोब्ला सरभगनि गाइखेर दाखानि बाथ्राखौ
गोसोआव फैयो, मानोना सरभगनि गाइखेर दाखाआ राइज्योनाडै
मोनसे आलादा मुं दुड। नाथाय बे गाइखेर दाखानि थाखाय
नांगौ बायदि गाइखेरखौ (□ 6 बिलाइआव)

सुजुगिरिनि खोलोम

समजि जेना

मुलुगआव दासादि सुबुनि सोर्जिनाय बाइदिसिना जेना, आंखाल, दावहा-बिग्रायनाय थासादि बादिनो मिथिगायारि खेदां-अलखदफोर नुजाथि फेनाया सुबु माहारिनि थाखाय गिनांगो जानाई फेनायखौ जेनि सोरगिदि नुनो मोन्नाय जायो। मिथिगायारि थासादि बादिनो सुबु सोर्जिनाय थासादिनाय सुबु माहारिनि थाखाय समानैनी गिथावना जाथायफोरनि गेजेराव मोनसे। बावैसो सिगां नेपाल-तिब्बत सिमानायाव सोमजिनाय मिथिगायारि अलखद बांग्रि मावनानै गोबांथार खहा लाबोनाय, बालाहामानि हादत सौदि आरबयाव गिलु-बालु अखा हानानै दै बाना लोमसावनाय बादि जाथायफोर सुबु माहारिनि थाखाय गिनो गोनां थासादि जालांनो हमादो। मिथिगायारि खेदां-अलखदनि अनगायैबो आथिखाल मुलुग हादतफोरनाय सोमजिनाय दावहा, बिग्रायखोनाय आरो जुगुमलायनाया आरोबाव थासादिखौ गिखंथाव महरसिम लानानै थांनयखौबो नुनो मोनो।

बेबादिनो फेग्रा मुवायाबो सुबु समाजनि मोनसे गिदिर जेना महरै नुजाथिनायखौ नुनो मोन्नाय जायो। फेग्रा मुनि हेँथायै गोबां समावनो बेनि हेँथायै राहाफारि लानायखौबो नुनो मोन्नाय जायो। नाथाय बेनि मोजां फिथाय थायनायखौ बाँद्रायै नुनो मोन्नाय जायो। आथिखाल सरकारआ फेग्रा मुवानि हेँथायै गोखोंथार राहाफारि आजावनानै लानायखौ नुनो मोन्दो। थारैनी फेग्रा मुवानि हेँथायै गोखों रहा लानाया जाफुसासानानै फेयोब्ला हादतनि, समाजनि जोगानाया मख 'जाथावना जागोन। आथिखाल हादतनाडे फेग्रा मुवा जगायानानै थासादिखौ बेगुरा खालामनो नाजानाया सुबु समाज आरो हादतनि रेखाथि बिथिडव अलखद फेनो हाथावनायि सायाव सावरयनो गोनां खालामदो।

' फेग्रा मुवा जगायनाय आरो माहारियादि रेखाथि' आयदाखौ लानानै खुनाय मोनसे हाबाफारियाव हादतनि नख 'र मन्थिआ हादतनि दासिमनि खहा गोनां एबा बयनिखुइबो देरसिन सेलेन्ज महरै नुजाथिनाय डार्क वेब, क्रिप्टकारेन्सि, अनलाइन मार्केटप्लेस आरो इन्नि सायाव गोखों रहा लानायनि बाध्रा बुंदो। बेफोर जेनाफोरखौ खुंथायाव थांनय सरकार आरो टेकन 'क्रेटनि जुथायै नाजानायनि गेजेरजो बे जेनाफोरखौ टेक्निकनि राहाजो बोखोनायनि लामा दिहुन्नायनिबो बाध्रा मख 'दो बिथाड। हादतआव थांनय 10 बोसोरनि गेजेराव फेग्रा मुवा हमनानै बोखोनायनि बिबाड 7 बाहागो बांदो होन्नाई मिबथिनाय जादो। खुंथायनि गोखों सिग्रोमनायनि गेजेरजो दुलाराय हादतनाडे फेग्रा मुवानि हेँथायै गसनाया फेग्रा मुवा उदां समाज दानायनि मोनसे राहाफारि। फेग्रा मुवा बाहायनाय लाइमोन हान्जाखौ लानानै जायखि-जाया हादतआनो जोगाखोनायनि गोगो लामाजो सिगांलांनो गोब्राब जायो। छ नारक 'टिक्स कन्ट्रल ब्युर 'नि बादिदै 2004 निफ्राय 2014 सिम गासै 3.63 लाख के:जि: फेग्रा मुवा हमनाय जादो आरो बेयो थांनय 2004नि रुजुनायाव 8,150 कौटि बेसेननि बांसिन फेग्रा मुवा फोजोबखोनाय होन्नाई बुंनय जादो। बेराफासै 2014 निफ्राय 2024 सिम 54,851 कौटि बेसेननि फेग्रा मुवा फोजोबखोनाय जादो।

मोनसे सरकारि बिबुंसारवाव मख 'नाय बादिदै सोलिफु मिरु खुंथाया फेग्रा मुवानि हेँथायै जि' ट्लोरेस खान्थि बाहायनायनि थांथि लादो। लोगोसे 2047 माइथायसिमनि गेजेराव हादतखौ फेग्रा मुवा उदां खालामनो मोनथाम मोखाडरि सोलोखान्थि मावफुनो लादो। बेनि गेजेरजो एनफर्समेन्टखौ गोखों खालामनाय, नारक 'टिक्स एजेन्सिफोरजो सोमोन्दो दानाय आरो सुबु सांग्रांथि लाबोनायनि सायाव गोनांथि होदो। बेनि हेफाजाबै नारक 'टेरनि गासैबो इक 'सिस्टमखौ फोजोबखोनायनि राहा लानो सांग्रां जानायखौ नुनो मोन्नाय जादो।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेघ:** जेखि जाया केसनिफ्राय उदां जानो हागोन। गोसोखौ गोजोन मोनगोन। मोजां सान।
- वृष:** सान्नाय-हनाय गासैबो जाफुनाय नड। गोसोखौ बायफलेनाय मोनगोन। गोसोखौ हमथा।
- मिथुन:** सान्नाय आसाफोर जाफुगोन। गोसोखौ गोजोन मोनगोन। मोजां सान।
- कर्कट:** मोजां मोनलायनायनि गेजेराव अनलायनाय फेगोन। गोजोने सम बारहोनो हागोन।
- सिंह:** जेखि बादया देरहासारनायखौ मोन्नी हागोन। गोसोआव रंजानाय फेगोन।
- कन्या:** माबाफोर खामानि-दामानि मोन्नायनि सुजुग-सुबिदा दं। बे राशिनि थाखाय मोजां सान।
- तुला:** गोसोआव माखौबा लानानै गोजोन गैयै मोनगोन। गोसोखौ हमथाना था।
- वृश्चिक:** फालांगि मावनाय समाव खहाफोर जानो हागो। जेखि मावा सांग्राडे मावनांगोन।
- धनु:** जेरैबो समाइना खालामनानै लानो हागोन। नख 'रआव अनलायनाया थाबाय थागोन।
- मकर:** माखौबा लानानै गिनाय सोमजिनो हागो। जेखि जाया गोसोखौ लोरखां लानो नाड।
- कुम्भ:** रोग 'थि जानो हानायनि मान मोन्नी हागोन। फारफ्रोमथिबो मोजां।
- मीन:** जेखियानो जाया गोथार खामानि मावनानै लानो हागोन। बे राशिनि थाखाय मोजां सान। सान्नाया जाफुगोन।

सनमार्ग-लादखनि गेटवे जेट-मर सुरंगखौ गाहाइ मन्थि मदिआ बेखेवगोन

श्रीनगर, 12 जानुवारि : गाहाइ मन्थि नरेन्द्र मदिआ समबाराव सनमार्ग सुरंगसिम दावबायगोन। बिथाडा बे सुरंगखौ बेखेवना होगोन आरो बिबुंथिबो लाखिगोन। गासै 12 किल 'मिटर गोलाव सुरंगजो लोगोसे गासैबो बिथांखिफोरखौ मावफुनायाव 2,700 कौटि रनि बांसिन खरसा जादो। बेयाव सनमार्ग गाहाइ सुरंग, मोनसे ओंखारलां ग्रा सुरंग आरो फोनांजाव लामाफोरखो दंफायो। लैथोमा थालानिफ्राय 8,6500 फुट गोजोआव बानायनाय बे सुरंगआ लेहसिम थांनो थाखाय श्रीनगर आरो सनमार्गनि गेजेराव गासैबो बोथोरावनो हान्था-मे लाखौ गोरलै सिन



खालामगोन। जम्मु-काश्मीरनि गिबि मन्थि उमर आबुल्लाआ जेड-मड सुरंगनि सावगारि आरो भिडिअबो शेयार खालामदो आरो बेनि मुलाम्फाफोरखौबो फोरमायदो। बिथांनि शेयार खालामनाय सावगारिफोरखो रि-पस्ट खालामना गाहाइ मन्थि मदिआ बुंदो, सुरंगखौ बेखेवना होनो सनमार्गसिम थांनो थाखाय बिथाडा गोसो गुडुडै समखौ नेना दं। टुरिस्म आरो जायगानि रांखान्थि बेब 'स्थानि थाखाय मुलाम्फानि बाध्रा बुंनय गिबि मन्थिया नंगोखौनो बुंदो। बेनि सिगां गिबि मन्थि आबुल्लाया सुरंगखौ बेखेवनायनि हाबाफारिखौ थांनो खौरां लाहैनायनि उनाव बिथाडा

गावनि सनमार्ग आव दावबायहैनायखौ मिबथिहोदो। जेड-सुरंग बेखेव जानायनिफ्राय सनमार्गआ बोसोरनाडे दावबायारिफोरनि थाखाय खुलायै थागोन। सनमार्गआ मोनसे मोजां स्की रिजट महरैबो जोगाखोंगोन। जायगानि सुबु'फोरा गोजां बोथोरव बायजोआव थांनय नड आरो श्रीनगरनिफ्राय कारगिल एबा लेहसिम दावबायनायाव खमसिन सम नांगोन। बे सुरंगआ सनमार्गखौ गांदरबल जिल्लानि कंगन सहरजो सरजाबो आरो जायखि जाया बोथोरावनो स न म ग र् - ल । द । ख खौ सरजाबनायनि सुबिधाबो होगोन, जाय सांथिनि थाखाय मख 'जाथाव जागोन।

गुवाहाटीआव आयेन बेरेखायै लांबाय थानाय कफ सिरापनि गंसे खेप जब्द' खालामदो



गुवाहाटी, 12 जानुवारि : आसाम पुलिसआ गुवाहाटीनि आजागराव मोनसे गुडामआव आयेन बेरेखायै होबथाजानाय अपारेशनआव सिग्रोमनायनि गेजेरजो आयेन बेरेखायै लांबाय थानाय कप सिराप आरो टेब्लेटफोर जब्द' खालामदो। सासे पुलिस

बिबानगिरिया बुडोदि, बे अपारेशनखौ स्पेसिफिक इन्पुटनि गेजेरजो खालामनाय जादोमोन। अपारेशननि गेजेरजो पुलिस टीमआ 2,300 निखुइ बांसिन कफ सिरापनि बटलफोर आरो 18 किल 'ग्राम टेब्लेटफोर जब्द' खालामदो। अपारेशनखौ मोनसे करियार कम्पानिनि गुडामआव

खालामनाय जादोमोन। मोनसे करियार सांभिस कम्पानिनि गुडामआव खालामनाय जादोमोन। मोनसे करियार सांभिस कम्पानियाव पार्सेनेलि सिखावै गारिफोरनि स्मालिं खालामनायनि थाखाय सुबिधा होनाय जादोमोन। जब्द' खालामनाय खेपखौ पाटनानिफ्राय दैथाइ हरनाय जादोमोन आरो शिल्नि थाखाय हरनाय जादोमोन। प्लास्टिकनि पेकेटफोरारव दोनखुमानाय आरो दुन्दिया पाउडरनि महयव नंखय लेबेल गोनां टेब्लेटफोरखौबो बोखोनां हायो। जाथायनि सायाव नायबिजिसाया सोलिगासिनो दं।



लक्ष्मी, 12 जानुवारि: उत्तर प्रदेशआ बोसोराव 38.78 मिलियन टन गाइखेर दिहुना रेकर्ड सोरजिदो। बे हिसाबै सानसेयाव 1,064.47 लाख टन गाइखेर दिहुनो बे राइज्योआ। बेजो लोगोसे हादतनि बयनिखुइबो बांसिन

गाइखेर दिहुनग्रा राइज्योबो जानो हादो। गिबि मन्थि यगी आदित्यनाथनि एडभाइजार अवनिश कुमार अबस्थीआ सशोल मिडिया प्लेटफर्म एक्सआव फोरमायदोदि, राइज्योआव बोसोरसेयाव 19.39 मिलियन टन एबा 531.23 लाख लिटार (सानफ्रोमबो) गाइखेरखौ बाजाराव साप्लाय होयो। अर्गेनाइज्ड सेक्टरआ 3.35 मिलियन टन (बोसोराव) एबा 91.78 लाख लिटार (सानसेयाव) नि हिसाबै गाइखेर दिहुनो। अर्गेनाइज्ड

सेक्टरनि सानफ्रोमबो 91.78 लाख लिटार गाइखेरनि गेजेराव पिंसिडिफआ सानफ्रोमबो 7.26 लाख लिटार गाइखेर प्रसेस खालामदो। फारसेथि आमूल, मादार डायरी आरो गुबुन प्राइभेट कम्पनीफोरा सानसेयाव 84.52 लाख लिटार गाइखेर प्रसेस खालामदो। बेराफारसेथि आनअर्गेनाइज्ड सेक्टरआ बांसिन गाइखेर प्रसेस खालामदो। बेयो बोसोराव 16.04 मिलियन टन एबा सानफ्रोमबो 439.45 लाख लिटार गाइखेर दिहुनो। एडभाइजार कुमारआ गावनि पस्टआव लिरदो, गिबि मन्थि यगी आदित्यनाथनि भिजनारि लिडारसिपआव उत्तर प्रदेशआ हादतनि बांसिन गाइखेर दिहुनग्रा राइज्यो जादो। हादतनि टप-5 गाइखेर दिहुनग्रा राइज्योफोरनि फारिलाइयाव उत्तर प्रदेशनि उनाव राजस्थान, उन्ध्र प्रदेश, गुजरात आरो पान्जाबआ जायगा आवग्रिदो।

उमरांस खनियाव गोमाना थानाय सा 5 लेबारफोरखौ रेखा खालामनो नाजानाया सोलिगासिनो दड

गुवाहाटी, 12 जानुवारि: आसामनि डिमा हासावआव थांनय उमरांस रेट-हल कयला खनियाव थाबथाना थानाय सा 5 लेबारफोरा गोमाना दड, जायफोरखौ भारतआरि सांथि, नेबि, एनडिआरएफ आरो गुबुन एजेन्सिफोरनि गेजेरजो जुथायै नागिरनाय आरो रेखा खालामनाय हाबाफारिया सोलिगासिनो दड। रेखा खालामग्रा दोलोआ दासिमाव साब्रे सुबुफोरनि गोथै सहखौ दिहुनबाय। खैला खादानाव दै हाबनायनि उनाव सा 9 लेबारफोरा गोथेना दडमोन। थांनय 8 जानुवारीयाव दै बानाजो गोहोम गोरलैनाय कयला खादाननिफ्राय गिबि गोथै सहखौ बोखोनां हादोमोन, जायखौ नेपालनि गंगा बहादुर श्रेथ मुडै सिनायथिदोमोन। 11 जानुवारियाव आरोबाव सा 2 नि



गोथै सहखौ बोखोनांमोन। दासिमबो सा 5 लेबारफोरा गोमाना दड आरो रेखा खालामनाय हाबाफारिया सोलिगासिनो दड। बेनि गेजेरजो कंग्रेसनि लकसभा एमपि गौरभ गौआ आसामनि डिमा हासाव जिल्लायारव खादान

बायग्रबनायखौ नायबिजिरनो थाखाय जर 'खा नायबिजिरग्रा दोलो (एसआइटि) दानो थाखाय थांनय शनिबारखालि गाहाइ मन्थि नरेन्द्र मदिनो लाइजाम लिरहरो। दासिम सोलिबाय थांनय रेखा खालामनाय हाबाफारिया लांथिथै

5थि सानाव हाब्बाय। नाथाय बे लेबारफोरखौ सासेबो गोथाडै रेखा खालामनो हायाखै। बेनि सिगां आसामनि गिबि मन्थि हिमन्त बिश्व शर्माआ रेजिस्टार फोसावदोमोन आरो बे जाथायनि सोमोन्दे आरो सासेबाव ग्रेटर खालामो।

मणिपुराव फिन फायार आर्म्स, एके- 56 जो लोगोसे गोबां हाथियार बोखांदो

इम्फल, 12 जानुवारि : मणिपुरनि चुराचान्दपुर आरो तैनीपाल जिल्लाफोरारव रेखाथि हान्जाफोरा गं 7 फायार आर्म्स आरो बमा बोखोनां मोन्दो। पुलिसनि सासे गागि बिबानगिरिया बेनि सायाव बुडोदि, चुराचान्दपुर पुलिस स्टेशननि सिंआव अलड गेलमल गामियाव मोनसे सिग्रोमनाय हाबाफारिनि गेजेरजो गंसे एके-56 राइफल आरो गंसे चीन हेन्ड ग्रेनेडजो लोगोसे गं 7 फायार आर्म्स बोखोनां मोन्दो। रेखाथि



हान्जाफोरा मणिपुरनि बै दरने जिल्लायारव अपारेशन खालामनायाव मरेह पुलिस

स्टेशन सिमानायाव गवाज एरियाआवबो सिग्रोमो आरो 1 किल 'लिरथाइनि थरने आइडि

आरो 5 कि:जि नि थरसे आइडिड बोखोनां मोनो। बेनि सिगां इम्फल सान्जा जिल्लीनि नुगब्रम आरो लैरक भैफेइ ओन्सोलाव गंसे 7.62 एमएस रासियान आरपिडि मेसिन गानजो लोगोसे 5.56 एमएम आइएनएसएसएस राइफलस बोखांदोमोन। बे ओन्सोलाववो गंने हाथियार आरो थर 4 हेन्ड ग्रेनेड गंने भायारलेस रेडिअ सेट आरो गुलिफोरखौ जब्द' खालामदोमोन।

ना फेस्टिभेलआव सानसेयावो 2.58 कौटि रनि ना फान्नी हादो

इम्फल, 12 जानुवारि: मणिपुरनि इम्फलआव इमइनु ना महात्सभनि गिबि सानाव टेबोल पार्षसेसनि थाखाय 2.58 कौटि रनिबो बांसिन बेसेननि 86, 286 कि:ग्रा: गुबुन-गुबुन हादतनिनो नाफोरखौ फान्नी हायो। बिबानगिरिफोरा बुदोदि, गासै 2,58,85,800 रनि ना फान्नी हादो। बे ना मेलखौ मइनु इरतपानि गोथार फोबोनि मोनसे बाहागो महरै खुनाय जादोमोन आरो धोरोमारि सुबुफोरनि थाखाय वन-स्टप डेस्टिनेसन महरै खामानि मावदोमोन। मणिपुरनि जुनात फिसनाय मन्थि हेखम डिंग सिंआ बुडोदि,



महात्सभआव ना दिहुन्थाया 80,000 कि:ग्रा: फान्नायनि थांथि लानायनि रुजुनायाव 86,286 कि:ग्रा: थिसनजादो। गासै दर 8 जिल्लायारव 130 स्टलखौ मेलआव जागायनायावो दिहुन्नाय एबा फिसनाय नाफोरखौ फान्नी थाखाय खुनाय जादोमोन। राइज्यो जुनात बिफानआ गुबुन नानि थाखाय गुबुन गुबुनै थि खालामनाय बेसेन बायदियै, सारंआ कि:ग्रा: आव 1100 रं आरो कातला नाखौ 3 कि:ग्रा: बांसिन लिरथाइनि थाखाय 300 राडै फान्नाय जादो। बिथाडा बुंदो राइज्योआ बोसोरफ्रोमबो 62,000-65000 मेट्रिक टन ना दिहुन्नायनि गोनांथि दड। राइज्योआ बेनि थाखाय 200-300 कौटि रं खरसाबो खालामदो आरो गुबुन राइज्योफोरनिफ्राय लाबोनायाव बोसोरसेयाव कौटि रं खरसा जायो। अदेबानि सरकारआ ना दिहुन्थायखौ बांहोनो हानायमानि नाजादो, मानोना राइज्योनि 90 जौखोन्दो सुबुफोरनो आमिस होनाबो मन्थिआ बुडो।

गाहाइ मन्त्रि मदिआ दिने जौगाखां भारत लाइमोन दैदेनगिरि जथुम्मायाव बाहागो लादों

गोदान दिल्ली, 12 जानुवारि : गाहाइ मन्त्रि नरेन्द्र मदिआ रबिबार खालि जौगाखां भारत लाइमोन दैदेनगिरि जथुम्मायाव बाहागो लाइमोनफोरजों लोगोसे सानसे सम हगार हरगोन। बे जथुम्माया रवबो राजखान्थि हान्जायाव गैयै 1 लाख लाइमोनफोरखों राजखान्थियाव लाबोनो नाजानायनि बाहागो। बे हाबाफारिखों 12 जानुवारी खालि माहारियारि लाइमोन सानाव खुनाय जादों। बे सानाव स्वामी भिबेकानन्दनिबो जोनोम सान। मोनसे मावख'यारि बिबुंथियाव बुंनया बायदिब्ला, मदिआ गासै हादतनि 3,000 जौगाखां लाइमोन दैदेनगिरिफोरजों सावरायगोन। बिथाड एक्सआव होनाय पस्टआव



बुडोदि, बिथाडा गावनि लाइमोन लोगोफोरजों लोगोसे सानसे सम हगारदों आरो सानजौफुनि आदार जानाय समाव जौगाखां भारतखों दानाय थांखिजों गुबुन-गुबुन आयदाफोरनि सायाव सावरायगोन। बे जथुमानि थांखिया जौगाखां भारतनि

भारतआ सुबुं खान्थि सानाव गिबि खेब इन्डनेशियानि हादतगिरिखों चिफ गेस्ट बानायगोन

गोदान दिल्ली, 12 जानुवारि : भारतआ इन्डनेशियानि हादतगिरि प्रबभ सुबियान्दखों बे खेबाव सुबुं-खान्थि साननि हाबाफारियाव गाहाइ आलासि महरै खवलायहरदों। बिथां दावबायनायनि सोमोन्दै जायखि-जाया समाव मावख'यारि महरै खौरां फोसावनो हागौ। खौरां एजेन्सि भाषानि बायदिब्ला सुबुं खान्थि साननि थाखाय प्रबभआ भारत दावबायनाय समाव पाकिस्तान दावबायनायखों दोन्थ'नो हागौ। सुबियान्दआ बे बोसोराव सुबुं खान्थि साननि समाव भारतनि राजखान्थियारि आलासि जागोन। 1950 नि



उनाव बेयो ब्रैथि खाबु जागोन, जेब्ला इन्डनेशियानि हादतगिरिया भारतनि सुबुंखान्थि सानाव राजखान्थियारि आलासि जागोन। इन्डनेशियाजों लोगोसे भारतहा गोजाम हरियुयारि आरो राजखान्थियारि सोमोन्दो दं। बावैसो सिगां जि-20 शिकर जथुम्मानि समाव पिएम मदि आरो सुबियान्दनि गेजेराव जथुम्मा जादोंमोन। बेयावनो फोरमायदोंदि, इन्डनेशियानि हादतगिरिया भारत दावबायनायनि उनाव मालेशिया दावबायहंगोन। बावैसो सिगां इन्डनेशियानि हादतगिरिया भारत दावबायनायनि उनाव थोंजोडै पाकिस्तान थांगोन होन्ना पाकिस्ताननि मिडियाआव खौरां फोसावदोंमोन।

लस एन्जिल्सनि अर खामनायाव थैनायफोरनि अन्जिमाया सा 16 सिम सौहैबाय

लस एन्जिल्स, 12 जानुवारि : लस एन्जिल्सनि अरआ गासै आमेरिकाखों गिखांहोदों। गासै 5 साननिफ्रायनो नांनया अर गोख्रैयै आवगायगासिनो दं। बेयो दासिमाव खोला के लिफर्नियाखोंबो गावनि बेंखनना लाबाय। आथिखालाव बे अर पेलिसेडस हाग्रानिफ्राय सान्जा फारसे गोख्रैयै आवगायगासिनो दं। गासै सहरा लेखा बायदि खामगासिनो दं। आमेरिकानि फारसेनिफ्राय अरखों लुखोमोरनो लानाय मोनफ्रोम राहाया दासिमबो जाफुसरे महरै फोरमान जादों। बे गिख्रैथाव अर खामनाय जाथायाव थैनायफोरनि अन्जिमाया आथिखालाव बांनानै सा 16 सिम सौहैबाय। आथिखालाव आमेरिकाया बे अर खामनायखों होबथानो थाखाय उरां जाहाजफोरनि गेजेरजों अरनि सायाव एयारस्ट्राइक जागायदों। बेनि थांखिया दै सारनायजों लस एन्जिल्सआव थानाय पेलिसेडस हाग्रानि अरखों सान्जा फारसे गोसारनायखों होबथावाय। थांनया शनिबारखालि उरां जाहाजफोरनि गेजेरजों



पेलिसेडस हाग्रायाव थानाय हाजोफोराव दै आरो अर लुखोमोरना बेसादजों अरखा हाहोयो। बेयावनि बारा घन्टयाव 110 किल'मितर गोख्रैथिजों आवगायगासिनो दं। बे गोख्रै बारा थासाखिखों गाञ्जिसिन खालामनायनि सन्देह'खों बांहोदों। बेनि गेजेरजों हा बाहागोआव अर लुखोमोरनाय हाबाफारिखों गोख्रों खालामदों। बिबानगिरिफोरनि फोरमायनाय बायदिब्ला, थांनया 24 घन्टयाव पेलिसेडसनि अर गासै 1,000 एकड़ एरियाखों गावनि बेंखनआव लाबावदों, बेजों रोजा रोजा न'फोरा खामनायै सेवहांगार जादों। बेजों सा 16 सुबुंफोरनि जिउ गोमायो। बे अरजों 12,000 बिल्डिंफोरा सिलिंखार जाबाय, गोमाया सा 13 सो सुबुंफोरा गोमाना दं होन्ना हमदादों। केस फायारनि बिबानगिरि टड हपकिआ मोनसे खौरांगिरि मेलाव बुडोदि, आथिखालाव हाग्रायाव नांनया अरनि 11 जौखोन्दोनि 11 बाहागोनि सायाव दखल खालामो। जाय बेयो 22,000 एकड़निखुइ बांसिन अओन्सोलाव खामखांबाय।

इजराइल-हामासनि गेजेराव सावरायनाया सोलिगासिनो

यरुजालेम, 12 जानुवारि: इजराइल आरो हामासनि दावहाया 15 दान बारलांबाय। नाथाय दासिमबो गोजोन फारसे फेनायनि लामायाव गैया। इजराइल सान्थिआ गाजायाव गुबुन गुबुन के म्पफोरखों थांखिना बमाजों गाग्लोबदों। हामासनि सानै चीफ कामान्दरफोर जिउ गोमानायनि उनावबो उतखारिफोर दासिमबो जेन्नाय गनायना लायाखै। बेनि गेजेरजों इजराइलआ गाजायाव माबा गिदिर हाबाफारि मावनो हागौ। इजराइल सान्थिआ गाजाखों महाबिनास एबा गिदिर खैफोदिनिफ्राय रैखा खालामनायनि थाखाय जोबथा खाबु होनो सानो। बेनि गेजेरजों इजराइलनि गाहाइ मन्त्रि बेन्जामिन नेतन्याहुआ दावहा



फोजेबनायनि सायाव गाजायाव सोलिगासिनो थांनया सावरायनाया जौगानायनि इसार होदों। बिथाड उनि खोलोबनि सावरायनायाव गावनि संगालि एजेन्सि 'मसाद' नि बिथोनगिरिखोंबो बे सावरायनायाव दैथायहरनायखों गनायथि होयो, जाहाथे इजराइल-हामास दावहाखों गोजेनाव लाबोनो हायो। इजराइल-हामास दावहाखों

मणिपुराव खुद्रिखानाय सुबुंफोरा आसाम राइफल्सनि केम्पआव गाग्लोबहैदों

इम्फल, 12 जानुवारि : मणिपुराव कामजं जिल्लीयाव शनिबार खालि होंगो-दोंगो सुबुंफोरा आसाम राइफल्सनि अरायथा नडै केम्पनि सायाव गाग्लोबनानै सिलिंखार खालामो। बे सुबुंफोरा दंफां लांलाय-लाबोलायनि सायाव होबथानाय आरो इनय-अनागाखों लानानै बे थांखिखों लादों। हंवेइ ओन्सोलाव थांनया केम्पनि सायाव गाग्लोबग्रा सुबुंफोरा नागा बहुल जिल्लानि कासम खुल्लेन ब्लकनिमोन। बिबानगिरिफोरा फोरमायनाय बायदिब्ला, कासम खुल्लेनआव न' बानायनो थाखाय लांबाय थांनया दंफांखों आसाम राइफल्सनि जवानफोर होबथायो, जायजों जेना सोमजियो। धर्ना होग्राफोरखों होस्त्रांनो थाखाय आसाम राइफल्सनि मावसुमाफोय टियार गेसनि गुलिखों बाहायो आरो उरां जाहाजजों फायार खालामो। बे सुबुंफोरा पेरा मिलिट्रिखों



ओन्सोलनिफ्राय बोखारनो दाबि दैखाडो। बे जाथायाव रावबो जेबो रोखोमनि ख'हा जायाखै। मणिपुरनि जिरिबाम जिल्लाआव होबथानाय आफाद हमार पिपुल्स कन्भेशन (डेमके टिक) नि सासे बिग्रायारिखों ग्रेटर खालामो। बे बिग्रायारिफ्राय बेरफुग्रा बेसाद बोखाडो। पुलिस आरो आसाम राइफल्सनि जुथाइ

टीमआ तुइसलेन गामिनि खाथियाव थांनया बृहस्पतिवार खालि बिखों हमो। बिनिफ्राय मोन 12 बेरफुग्रा रिटक, मोन 11 डेटेन्टर 1 मितर सेफ्टी क्युज आरो मोन 44 साबोननि डिब्बाफोर बोखाडो। साबोननि डिब्बाफोरव 457 ग्राम ब्राउन सुगार थांनयाखों सन्देह' खालामदों। मणिपुरनि

तुरानि एमपिआ बाल्जेक उरां जाहाज गाथोनखों एक्टिभ खालामनो दाबिदों



शिल, 12 जानुवारि: मेघालय कंग्रेस दैदेनगिरि आरो तुरा एमपि सालें सांमाआ लेभार, लक शिकायत, आयेन आरो बिजिरग्रा

बिफानजों सोमोन्दो गोनां संसदीय अरायथा कमितिनाव बाल्जेक उरां जाहाज गाथोनखों एक्टिब

जाहाज गाथोनो गोनांथि गैयै जाना गोरलेंसोना थादों। गोलाव समनिफ्राय सोलिबोबाय थांनया बे आयदानि सायाव सांमाआ अरायथा कमितिनिफ्राय पजिटिभ फिन्नाय मोन्दों। कमितिआ राइज्यो सरकारनाव हाबाफारिखों आवगायहोनो थाखाय गोनांथि जानाय लाइसेन्स आरो फोरमानलाइफोरखों होनो आर'ज गावदों। बेनि अनगायै सांमाआ शिल-दिल्ली बिरनायनि समखों सप्ताहनिफ्राय बांहोनानै सानफ्रोमबो खालामनो सान्दों।

कमितिआ उरां जाहाजखों फुवारनायनि जिंगाफोरखोंबो सोमोन्दो लाखिदों। बेयाव हादत नाडै नि उरां जाहाज गाथोनफोराव गोबां भार आरो मेक्सिमम पार्किटेक्सया दंफायो। मख'नो गोनांदि, मेघालयआव थांनया बाल्जेक उरां जाहाज गाथोन, जायखों तुप उरां जाहाज गाथोन एबा भिइटिउ उरां जाहाज गाथोन महरैबो मिबथिनो मोनाय जायो। बेयो मोनसे राइज्योआरि उरां जाहाज गाथोन, जाय तुपुनिफ्राय 33 किल'मितर सा-सान्जाहा दड।

बिजापुरआव रैखाथि हान्जाया सा 3 नक्सालीफोरखों जिउ फोजोबदों

बिजापुर, 12 जानुवारि : छत्तिसगड़आव रैखाथि हान्जा आरो नक्सालिफोरनि गेजेराव फिन गुलि गावज्जलायदों। बिजापुर जिल्लायाव गावज्जलायनाय रबिबार फुनि समाव जादों। पुलिस बिबानगिरिया फोरमायदोंदि, महेर पुलिस थांनानि बेंखनआव थांनया मोनसे हाग्रा बारियाव रैखाथि हान्जाफोरनि मोनसे जुथाइ हान्जाया नक्सालि बेरैखा अपरेशन खालामनो थादोंमोन। बे समावनो उतखारि हान्जाजों गावज्जलायनाय जायो, जेराव सा



3 नक्सालिफोरनि जिउ गोमायो। जिल्ला रिजार्थ गार्ड जर'खा हाबाफारि सान्थि हान्जा आरो जिल्ला सान्थि

सा 3 नक्सालीफोरनि गोथै सह' बोखानो मोन्नायखों मिबथिहोदों। लोगोसेनो बे जायगानिफ्राय हाथियार, बमा आरो जेना गोनां मुवाफोरखों बोखानो मोन्दों। फारसेथिं बे ओन्सोलाव सिग्रोमनाय हाबाफारियाबो सोलिदों। बेनि सिगां छत्तिसगड़नि बिजापुर जिल्लायावनो नक्सालिफोरनि सोनानै दोन्नाय इम्प्रभाइज्ड एक्सप्लसिभ डिभाइस बेरफुनानै सिआरपिएफनि सासे जवानआ जोखोम जादोंमोन।

इउक्रेनआ कुर्स्कनिफ्राय हमनाय सानै सा-करियानि सान्थिफोरखों क्विभआव लानानै थादों

क्विभ, 12 जानुवारि: इउक्रेन सान्थिफोरा रसियानि कुर्स्क ओन्सोलनि दावहा जानाय ओन्सोलनिफ्राय सा करियानि सानै सान्थिफोरखों हमो। बे सान्थिफोरा रसियानि सान्थिफोरजों लोगोसे इउक्रेन सान्थिफोरनि हेंथा दावहा नांगासिनो दडमोन। बेनि सिगां इउक्रेनआ माखासे खेब कुर्स्कयाव सा करियानि सान्थिफोरखों थिसन्दों होन्ना दाबि दैखादोंमोन। नाथाय रसियाआ बेनि सायाव जेबो बुडखैमोन। कुर्स्कनि सायाव इउक्रेनआ गासै 5 दान सिगां बेंखनना लानानै मुलुगखों गोमोहोदोंमोन। इउक्रेन नि

हादतगिरि वलदिमिर जेलेनस्कीआ बुडोदि, रसियानि फारसेनिफ्राय 10 रोजा एबा बेनिखुइ बांसिन सा करियानि सांथिफोरखों दावहानि ओन्सोलाव थिसन्दों। आथिखालाव हमजानाय सानै सान्थिफोरखों क्विभआव लांनया जाबाय, जेराव बिसोरनाव जेरा सेबनाय जागोन होन्ना जेलेनस्कीआ बुंदों। गुबुन हमजानाय सा करियानि सान्थिफोराबो सुबिधा

मोनगोन, जायजों मोनसे सुपारमार्के'टखों खौरांगिरिफोराबो बिसोरजों मिसाइलजों नोजोर होदों। बे गाग्लोबनायाव सानै नोगोरारिफोरनि जिउ गोमायो आरो सानै गुबुनफोरा जोखोम जायो।



मुलुगनि बयनिखुइबो गोलावसिन सावथुन जायखौ फोजोबनो 5 सप्ताह नांगौ जायो

बावैसो सिगां एबा थानाय बोसोयव मोनसे हलिउड सावथुन रिलिज जादोंमोन, जायनि मुडा अपेनहाइमारमोन। बे सावथुना 3 घन्टानिबो लावसिनमोन। आथिखालनि सावथुनखौ नोजोर होयोब्ला बे सावथुना जोबोद गोलावमोन। नाथाय बे सावथुना दासिमनि लावसिन सावथुनरुनुनायाव गुसुसिन सावथुन। बयनिखुइबो लावसिन सावथुनखौ जों साफ्रोमबो नायनो हाया, मानोना बेखौ आबुडै नायजोबनो सान 5 सम नांगौ, जाउनाव खेबसेनो बे सावथुनखौ नायना फोजोबनो हाया। बेनिखायनो बाहागो रान्ना नै नायनो हायो। बे सावथुननि मुडा जादों लजिस्टिक्स, जाय मोनसे स्वीडिस सावथुन, जायखौ 2012 आव बानायदोंमोन। बे सावथुनखौ एरिका मेनसन आरु डिनियाल एन्डरसनआ लिरदों। रिलिजनि समाव बेखौ बै समनि



एक्सपेरिमेंटेल सावथुन होनाय जादोंमोन। बे सावथुनाव लिरगिरिया बेखौ बानायनो 2008 आव थुलुंगा मोन्दोंमोन, जाय बेखौ नायनो हास्थायदोंमोनदि, मडान एलेक्ट्रिक गेजेटआ बहा सोमजिखादों। बे सावथुननि आबु सिनखौ स्टकहमनि गंसे स्टरनिफ्राय चीननि गंसे कारखानासिम रियेल टाइमआव शुट खालामनाय जादोंमोन। बे

सावथुनखौ नायनो थाखाय 51,420 मिनट समखौ दिहुनांगोन। थामहिनबा 857 घन्टा एबा 5 सप्ताहनिबो इसे बांसिन। बे सावथुनखौ रिब्यु खालामग्राफोरनि बायदिब्ला, लजिस्टिक्सआ एसेबां गोलाव सावथुन, जायखौ गोबां खम सुबुंफोरा आबुडै नायदों। बेखौ 2012 नि 1 डिसेम्बरआव रिलिज खालामनाय जादोंमोन आरु

बे सावथुना 6 जानुवारी 2013 आव जोबदोंमोन। गिबिसिनै उप्साला सिटि लाइब्रेरीआव दा हाउस अफ काल्चार, स्टकहामआव बे सावथुनखौ दिन्थिदोंमोन। बेनि वर्ल्ड प्रिमियरआ 2024 नि फ्रिन्ज फिल्म फेस्टिभल शेन्जेनआव जादोंमोन। बेजों लोगोसेनो सावथुनखौ अनलाइन स्ट्रीमबो खालामनाय जादोंमोन।

लेभारकुसेनआ डर्टमुन्डखौ फेजेन्नानै बुन्देस लिगायाव आवगायदों

बार्लिन, 12 जानुवारि: नैथि थाखोआव थानाय बेयार लेभारकुसेनआ बुन्देस मुगानि 16थि राउन्डआव बरुसिया डर्टमुन्डखौ 3-2 गलआव फेजेन्नानै दैदेनगिरि बेयान मिडनिकनि फारागथिखौ फोजोबदों। मेचनि 7 मिनटनि उनाव लेभारकुसेनआ गावसोरनि आवगायनायखौ 2 फान खालामदों, जेराव हान्जानि पियर' हिनकेपिआ पस्टसिम हरनाय बलनि खारथायखौ लाखिनानै जोसन्नायाव जाफुंसारदों। डर्टमुन्डनि हान्जाया मेचनि 12थि



मिनटआव गरसे गल सोफिन्दों, जेराव एन्ड्रसनि पेल' क्लियारेन्सआ जेमि गिटेन्सखौ आवगायनायाव हेफाजाव खालामदोंमोन। सोलिफु सेम्पियनआ मेचनि

19थि मिनटआव गावसोरनि गलखौ गरनैसिम आवगायहोफिन्दोंमोन। लेभारकुसेननि हान्जाया बेनि उनाव गावसोरनि स्करिखौ आवगायहोनो खाबु

मोनफिन्दोंमोन नाथाय बेरेखा हान्जानि गोख्रों डिफेन्सनि जाउनाव गल सोनो आवगायनायाव गोबां जेंनाजों मोगा-मोगि जानादों। लेभारकुसेनआ मेचनि 79 मिनटआव जेंनायाव गोरलैदों, जेराव भिएआरआ डर्टमुन्डनि सायाव पेनाल्टि फोसावदों। लेभारकुसेननि हान्जाया बे मेचआव गोख्रों हमथानाय गोहोजों देरहानाय फारसे आवगायदोंमोन, जेराव बे हान्जाया सिजननि 5थि जेन्नानियनि उनाव 6थि मासियाव जायगा मोन्नानै दडा।

शिभ आरो चसिनआ हौवाफोरनि बक्सिं नेसनेलआव क्वार्टर फाइनलआव सौहैबाय



गोदान दिल्ली, 12 जानुवारि: शिभ थापा आरो चसिन शिभाशआ 8थि एथलिट हौवाफोरनि नेसनेल बक्सिं सेम्पियनसिपआव गोख्रोंडै दिन्थिफुंनो हानायजों क्वार्टर फाइनलआव सौहैनो हाबाय। बे सेम्पियनसिपनि त्रैथि सानाव बिथामोना गावसोरनि सेलेन्जनि जेंनाखौ

बारनानै बिमुनि फारसे आवगायदों। टपाआ आसामनि जानानै वेल्टारवेट (60-65 कि:ग्रा:) थाखोआव हिमांसु चांवानखौ 5-0 स्करआव फेजेन्नानै गावनि गोख्रों थियारिखौ फोरमान होदों। बेराफारसेथि, बाराग' वर्ल्ड इयुथ सेम्पियन चसिनआ किंसन पुकरांबामखौ बे स्करनि फारगथियावोनो फेजेन्नानै आवगायनो हायो। देबेन्ड्र सलान्किआ राजस्थाननि जानानै बे टुर्नामेन्टआव गोख्रोंडै दिन्थिफुंनो गसिनो दडा। बिथाड प्लाइवेट (47-50 कि:ग्रा:) केटेगरियाव गोख्रोंडै दिन्थिफुंनो गसिनो सेम्पियन जानायनि लामायाव आवगायगसिनो दडा। सलान्किआ गावनि गोख्रों पान्सिंजों बेरेखा बादायारिफोरखौ जेंनायाव खोख्लैदों। गावनि जोबथा 8 नि थाखोआव सौहैनय लामायाव बिथाड मिज 'रमनि जराम मुआनाखौ फेजेन्दों। बे समाव हिमाचल प्रदेश अभिनास जामवालआ 2022 नि इयुथ वर्ल्ड बक्सिं सेम्पियन (63.5 कि:ग्रा:) थाखोआव बादायग्रा एसएससिबिनि बन्सजस कुमारखौ 5-0 स्करआव फेजेन्नानै क्वार्टर फाइनलआव सौहैयो।

हिन्जावसा गेलेगिरिखौ 5 बोसोरसिमाव सा 60 सुबुंफोरा जिनाहारि खालामदों

पथानामथिदु, 12 जानुवारि: केरेला पुलिसआ पथानामथिदु जिल्लायाव 18 बोसोर बैसोनि गोगलैसोनाय हारिनि हिन्जावसाखौ जिनाहारि खालामनाय केसआव सा 14 सुबुंफोरखौ ग्रेप्टर खालामो। बे केसआव मोन 15 केसबो थिसन्दों। बे केसआ बै समाव सोराडव फैयो, जेब्ला हिन्जावसाया दाय जाबसिन्दोंमोनदि, थानाय 5 बोसोराव सा 62 सुबुंफोरा बिखौ जिनाहारि खालामदों। थानाय शुक्रबारखालि पुलिसआ जागायजेन्नाय महैर मोनै केस थिसन्दोंमोन आरु सा 5 सुबुंफोरखौ ग्रेप्टर खालामदोंमोन। 11 जानुवारीयाव पुलिसआ मोन 3 उफ्रा केस थिसनो आरु सा 14 दायनिगिरिफोरनि गेजेराव सा 9 खौ कास्टाडीआव लादोंमोन। ग्रेप्टर खालामजानाय दायनिगिरिफोरनि मुडा सुबिन, भिके विनित के आनन्दु, एस संदीप आरु ए सुधी। ए आनन्दुआ पक्सनि मोनसे

गुबुन केसावबो दायनिगिरि। गिबि केसनि 15 दायनिगिरिफोरा आथिखालाव पक्सनि मोनसे गुबुन केसाव जोबथेसालियाव दडा आरु बे केसखौबो पथानामथिदु पुलिसनि गेजेरजों थिसन्दोंमोन। बे केसखौ डिएसपि पिएस नन्दकुमारआ नायबिजिरगसिनो दडा। बे केसखौ एससि-एसटि एक्टनि गेजेरजों थिसन्याय जादों। बेराफारसे, गुबुन केसखौ पुलिस इन्स्पेक्टर टिके विनद कृष्णनआ नायबिजिरगसिनो दडा। दाय जाबसिन्याय बायदिब्ला, जेब्ला हिन्जावसाया 13 बोसोरनिमोन, अब्ला दायनिगिरिफोरनि गेजेराव सासे सुबिनआ बिनो गावनि मबाइल फनजों गात्रि मेसेज आरु सावगारिफोर दैथायहरोमोन। थामहिनबा पुलिसनि गेजेरजों फोसावनाय बिबुंथिनि बायदिब्ला, बिनि सायाव हिन्जावसानि गात्रि सावगारिफोर आरु भिडिअ बानायनायनिबो दाय दडा।

जेब्ला हिन्जावसाया 16 बोसोरनि जायो अब्ला दायनिगिरिया बिखौ बाइकजों न' खाथिनि मोनसे रबर बागानाव लाना जिनाहारि खालामो आरु बेखौ फनाव रेकर्डबो खालामदोंमोन। बेनि उनाव सुबिनआ बिखौ गुबुन दायनिगिरिफोरनो दिन्थियो, जाय बिनि लोगोफोरमोन। बेनि उनाव बिखौ अचनकट्टुमालियाव लानानै हान्जायैनो जिनाहारि खालामो। बेनि सोमोन्दै मोनथाम केस थिसनो। गिबि केसआव शामनाद मुंनि दायनिगिरिखौ ग्रेप्टर खालामो। बेनि उनाव नैथि केसआव सा 6 दायनिगिरिखौ ग्रेप्टर खालामो, जेराव बैसो जायै उन्दै गथ'बो दंफायोमोन। आथिखालाव मेडिकेल नायबिजिरनायनि उनाव पुलिसआ दायनिगिरिफोरनाव जेरा सेबगसिनो दडा।

रंजालि गथ'फोरनि सौरा

दोंथाम लिमारिक खन्थाइ

1. राव-थुनलाइ सिबिनार्यनि बेनो सम, बोथोर ऑंखारबोदो लोगोफोर बड़बो लैहोर लैहोर दाखालामसै गोबाव दाथासै ज'नानै न'आव जोंबो दावगानांगोन लानानै थांखि, नोजोर!
2. मेल-मिटिखव फैना जाबथिहैयो आलासि नांगौ बिनो खालि जौ गोरान, जौ गिसि थाब्लाबो मावनांगौ खामानि लाया उदिस बिनि रां-खाउरि जोबब्लाबो मोनो दर्जाइ खुसि।
3. राइजोनि रां-खाउरि मोनजानानै जायो खुसि जौ-सेरेब दौनानै लानो नागिरो गोजौ मासि बुडे दुगा दुगा बिनो आदा लावगा सुखानो नागिरा समाजनि एसेबो जेंना जेंसि!

-समरोद देउरि

जाय नखर संसाराव

जाय नख'र संसाराव गैयाबोला धोराम गियान नखर दावहा जायो

जाय नख'र संसाराव थायोबोला धोराम गियान मिलि जुलि थायो

जाय नख'र संसाराव थायोबोला धोराम गियान रागा रुगा जायो

जाय नख'र संसाराव थायोबोला धोराम गियान गोजेन थाबाय थायो

-रैदोम बर', बाक्सा

आंनि आंगोनि रजे

नों आंनि जिउनि आंगोनि रजे आंनि जिउनि रजे, गोसो मोदोम जिउनि आंगोनि सना आंनि जिउनि सना, मेगन बेखेवनाय सानखालि, नुजेन्दोंमोन आं नॉनि महर। दिंग्रायदोंमोन आं दा रजे बै बालाबारिनि रानम्राव लामाजों नॉनि लाजिस्तु महरखौ नुजेन्दोंमोन रजे नोंखौ आंनि गोसोनि मेगनजों। आं नोंनो आंनि गोसोनि बाथा फोरमायनो होसोबायनानै खामगिलनो हमदों गोसोआ, गोसो गोबॉनि हास्थानाय बिलिथिआव खामगिलजोबबाय गोसोनि गोबॉआ रोहो रोहो जुजायनि अरेगेंजों। गलाव बिबारा जैरै हायना गोनां नॉनावबो बिदिनो हायना दं गलाव बिबारा जैरै जारो-रौ बिबदिनो नॉनि महराबो जारो-रौ नायबाय थाथाव थाव सना बेसे समायना रमायना रजे, नोंखौ सोर बिमाया जोनोम होनाय, नॉनि महर मोखं बेसेबां गोदै राव गोनां, अन्याय गोनां सना, आंनि गोसो गोबॉखौ बोना लांबाय नों आंनि जिउनि आंगोनि रजे, गोसो मोदोम जिउनि रजे।

जनि मुछाहारी गामि-कक्राझार दिपु बाटारमारी

दाइरीनि जोबथा खन्थाइ

थुनि बसुमतारी

सानदों नामा नों आंनि अन्याया मोजोमसेल' ? सान्नेसोल' गोदै-गोदै रावजों गलिहोनानै थे थेसना रानहोगोन अन्यायनि निजराखौ फागुन-चैत्रनि दै रानत्रिंलानाय बायदि।

फोथायनो नों हाया-हाया मोनदों नडसै ? बुंस' हायै गोथौ-गोथौ ऑंथिजों गनायहोनानै महर सोलायगोन सानदों नामा गोरबोखौ सम फेबानो बोथोरा सोलायनाय बायदि।

फिन्नाय मोनाखै जानांगो बायहाजार सोंथिनि ? एरायलानाय नडथ' ससे लामायावोनो गारनानै थाबायफागोन बबेसिम जिउनि हास्थानाय खैफोदनि जोमै सागलोबोक्सा सायखं बायदि।

आगोर नागिरना मोनाखै गोसो-गोरबोया ? थेर-बेथेरसो खालामगोन नामा बिखाखौ मेगननि मोदै रानथाबहोना खालायाव सिमब्रे-सिमब्रा जावलिआ बार बायदि।

सानबोलावरी सान्यायफ्रा बासा बोदों ना ? हांमनि हांजों गारामाखौ रानखांहोनानै गाव होगोनसो नामा आंनि गोरलै गोसोखौ गाइखेराव गोखै गारना होनाय बायदि।

रुइदोब गोसोआ थारैनो सोरनि थाखाय ? गोवलांनय बिबार सिमानि देरा लांगोनायाव रंगिनायै समायहोगोन मोदोमनायजों संसारखौ अन्यायनि बिदै नख'राव सारफावनाय बायदि।

फिन्नायखौ नोंनो होबावगोन मा रावजों ? सोंथियानो ऑंखाराब्ला राव जाना खुगायाव गोसो-मेलेमाल' गावजों गाव दावहा नानानै हम-हम उखुन्दै गुदुखव जिगाव दुमनाय बायदि।

गोरोस्थिया सोरनि ?

नोंनि एसेबां हायना महराव आं गोजाव नांदों र' जे, बोदोर बावलि गोसोआ मानो बुजिया नोंखौल' लोगो हमनो हास्थायबायो नों मा सानो बुजिनो हालिया नॉल' से आंनि गोसो गोबॉआव। अराय सम अराय दिन गोसो खांबाय थासै आं अन्यायनि गुथालजों बुसोम जानायबादि मोजां मोन्यायनि दौलेंजों खाखब जानाय बादिसो मोनबाय आं। समनि फाखनजों बोथोरा थाडे गोरोब फ्लेना हालो दैलो मिनि खुसि, थौले गोसोनि सोलायस्तु मिजिकआबो सोरनिबा फाव आन्दोजों बुखार जानानै बबेबा हायेनाव दंसै नों हारसिं गैया नोंहा साखाथियाव रावबो। जायखार लांबाय रोमै रोमै..... रुंगु गैये फैलाव बुहुम बिखायाव, नाथाय थालांबाय दै बानानि फेफोनया दुखुनि थैसोम जाना नॉनि गोबॉआव।

बिपुल मुसाहारी

गामि-कुमगुरी, ला:सो:-सेरफांगुरी जिला-ककराझार बि टि सि आसाम

अलिम्पिक सेम्पियन झेंगआ अस्ट्रेलियान

अपेननि नैथि राउन्डआव सौहैबाय



केनबेरा, 12 जानुवारि: अलिम्पिक सेम्पियन झेंग किनवेनआ रड लेभार एरिनायाव गोख्रों सेलेन्जनि गेजेरावबो देरहानायजों अस्ट्रेलियान अपेननि नैथि राउन्डआव सौहैबाय। बोसोरनि गिबि ग्रेन्डस्लेम आरु टुर्नामेन्टनि गिबि सानखालि अखाणि जाउनाव मेचआ जायाखैमोन। मानोना बेबायदि अखा हानायाव मेचआ खुंजाथाव नडमोन। थानाय बोसोरनि फाइनलआव आर्यना सभालेन्काजों जेन्नानियनि उनाव मेलबर्न पार्कनि गाहाइ कटआव गिबियै ऑंखारनाय बाथि रेंकिनि झेंगआ 10 बोसोर बैसोनि क्वालिफायर एन्का टडनिखौ 7-6 (3), 6-1 स्करआव फेजेन्दों। 17 बोसोर बैसोनि मिरा एन्ड्रिभाआ नैथि राउन्डआव जायगा आवग्रिनाय गिबि गेलेगिरि जानो हदोंमोन। बिथाख जन केन एरिनायाव मेरि बजकभाखौ थोजों सेटफेराव 6-3, 6-3 स्करआव फेजेन्नो हदों।

काजिरडानि फिसासिन मैदेर परीनि जोनोम सान फालिदों

गुवाहाटी, 12 जानुवारि : काजिरड माहारियारि पार्कआव आसाम हाग्रा बिफाननि बिबानगिरिफोर गसिबो मैदेरफोरनि देहाखौ नायबिजिरनाय हाबाफोर लानानै बयनिखुबो खमसिन बैसोनि मैदेर (बुन्दि) परीनि सेथि जोनोम सान फालियो। जुनात फाहामगिरिफोरनि मोनसे हान्जाया परीनि देहाखौ मोजाडै आन्जाद नायो आरो बेनि आर्थिआव आसुगुरआ लावबाय होन्ना सासे बिबानगिरिया बुडे। कहरा रेन्जआव रंजा-बाजा आरो दोहौ गोनं थासारि सोमजिदों। मानोना हाबाफारियाव हांखायहरनाय आलासिफोरनि थाखाय बेलुन आरो केक होनाय जादोंमोन। पचीडामर्सनो थालिर, खुसेर बायदि दैज्जानि फिथाइफोरखौ जर'खायै अन्थोब होनाय जादोंमोन। लोगोसेनो आंगुर-आपेल

बायदि फिथाइफोरखो दंमोन। मख'जाथावदि, काजिरडआव गासै मा 65 हाग्रा बिफाननि मैदेर आरो मा 39 बिगोमा गोनं मैदेरफोर दं। जोनोम सान फालिजानाय परी (मैदेर फिसा) आ गावनि बिमा भदइनि साखाथिनफ्राय जानगर जायाखै। फारसेथि परीनि लोगो 2 बोसोरनि मैदेर बुन्दा गडापनआ जोबोद सन्सल आखु दिन्थिदों आरो गावोनो होनाय फिथाइफोरखौ लानानै रंजानायजों गेलेदोंबो। जर'खायै बैयाव दावबायहैनो थानाय उन्दै गथ'फोरा फोर्बी फालिनायाव रंजानाय लायो। आसामनि आबहावा आरो हाग्रा मन्थि चन्द्रमहन पटवेरीआबो परीनो जोनोम साननि हामब्लाइथि होयो। बेनि सायाव एक्सआव मन्थिया पस्टबो होदों।

स्पेडेक्टनि गेजेरजों भारतआ गंनै अखांमा यानखौ हेन्डशोक खालामनो थियारि जादों

बेंगलुरु, 12 जानुवारि : भारतआ गावनि मख'जाथाव स्पेडेक्स मिशानाव जाफु'सारनायनि जोबोद खाथिसिम सौहैबाय। इसर'आ बुंदोंदि, स्पेस डकि एक्सपेरिमेन्ट (स्पेडेक्स) नि गेजेरजों गंनै अखांमा यानखौ 15 मिटार आवगायसिन होना 3 मिटारसिम जान्थायाव खाथि-खाथि लाबोनो हायो आरो टेस्टआ जाफु'सार जायो। बै गंनैबो अखांमा यानआ मोजाडै नो खामानि मावगासिनो। इसर'आ मोनसे पस्ट होनानै बेनि खौरं होदों। अदेबानि डाटाखौ नायबिजिरनायनि उनाव डकि हाबाफारिखौ मावनाय जागोन। डकिनि थाखाय गंनै अखांमा यानखौ 225 मिटारसिम



गोजानाव लाबोनांगोन। अदेबानि इसर'आ डकि खालामनायनि थाखाय अक्ट थि खालामाखै। स्पेडेक्स मिशाननि गेजेरजों भारतआ अखांमा यानखौ डक आरो आनडक खालामनायनि गोहोखौ दिन्थिगोन। बेयाव जाफु'सारनानै भारत आमेरिका, सारिया आरो चीननि उनाव स्पेस डकि

टेकन'लजिआव जाफु'सारनो हानाय 4 थि हादत जानो हागोन। इसर'आ शनिबारखालि एक्सआव मोनसे पस्ट होना गंनैबो अखांमा यानआ 230 मिटारनि इन्टार सेटेलाइट डिस्टेन्सआव दं होन्ना मिबथिहोदों। सेन्सारखौ नायसंनायबो जादों आरो यानआ मोजाडै नो खामानि मावगासिनो दं।

पाकिस्तानाव 2 कौटि गथ'फोरा फरायसालिनि दरखं नुवाखै

इस्लामाबाद, 12 जानुवारि : पाकिस्ताननि गाहाइ मन्थि शहबाज शरिफआ थानाय शनिबारखालि फोरमायोदि, पाकिस्तानाव 5 निफ्राय 16 बोसोर बैसोनि 22.8 मिलियन गथ'फोरा स्कुलनि मोखां नुवाखै, जेराव हिन्जावसाफोरनि अन्जिमाया बांसिन। बिथाड बे बाश्राखौ मुस्लिम हादतफोरनि रंखाथि मन्थिफोर आरो बिबानगिरिफोरजों लोगोसे जानाय मिटिडव बुडेदि, जाय मुस्लिम फोलेरनि गेजेराव हिन्जावसाफोरनि सोलेंथाइ, सेलेन्स आरो खाबु बायदि आयदाफोरनि सायाव खुंनाय साननैनि हरिसायारि जथुमायाव बाहागो लागसिनो दंमोन। बे जथुमाया हिन्जावसाफोरनि सोलेंथाइखौ बांनायाव मदत खालामगोन होन्ना शहबास शरिफआ मिजिं थिनाय



फोरमायदों। बिथाड गावनि बिबुंथियाव इस्लामिक सोलेंथाइ आरो पेगम्बर महम्मदिन बिथोनफोरखौ फोरमायनानै हिन्जावसाफोरनि सोलोथि। इनि मख'जाथावफोरखौबो मख'दों।

बेनि सोमोन्दै गाहाइ मन्थिया फोरमायोदि, सोलेंथाइखौ साबसांहोनो थाखाय मोनसे कमिटि दानाय जादों जाय गासै राइज्योफोरजों लोगोसे गोरबलायनानै खामानि मावगासिनो दं। लेडइ गाहाइ

मन्थि आरो रंखाथि मन्थि इशाक डारआ फोरमायनाय बायदिक्ला, सरकार सोलेंथाइ बिथिडव माखासे साबसांहोदों आरो बेनि थाखाय बाजेडबो थि खालामदों। बिसोर इयुनाव मुस्लिम हादतफोरजों लोगोसे गोरबलायनानै खामानि

मावनायनि मिजिंथिदों। बेरा फारसे शहबास शरिफआ बुंदों हिन्जावसाफोरनि सोलेंथाइआ मोनसे ओरैबायदि थांथि, जायनि थाखाय दावहा नांनय, इन्थेस्ट खालामनाय आरो बिजिरनाया गोनंथार। बिथाड बुंवाबो, हिन्जावसाफोरनि सोलेंथायाव नुजाथिनाय जेनाफोरखौ जानगार खालामनो थाखाय हान्जायै नाजानायनि गोनाथि दं। बे जथुमायाव दर 47 हादतफोरनि गासै सा 150 थान्दैफोरा बाहागो लादों। बेयाव तुकि, समालिया, कुर्दिस्तान, मालेशिया आरो मालद्विपनि थान्दैफोराबो बाहागो लादों। बिसोर हिन्जावसाफोरनि सोलेंथाइखौ बांहोनो थाखाय पाकिस्ताननि थांथिखौ बाखायो। बिथाड फैगौ 10 बोसोराव लाख-लाख हिन्जावसाफोरा साखियाव हावगोन होन्ना बुंदों।

सान्थिफोरा सोनाब कामें, तावानि दर 22 गामिफोरनि थाखाय आध्यात्मिक यात्रा जागायदों

इटानगर, 12 जानुवारि : भारतयारि सान्थिफोर'अपारेशन सद्भावना' आरो भाइब्रेन्ट भिलेज प्रग्रामनि गेजेरजों अरुनाचल प्रदेशनि सोनाब कामें आरो तावां जिल्लाफोरनि दर 22 गोजाम गामिफोरनि थाखाय मोनसे आध्यात्मिक यात्रा जागायो। बे हाबाफारिनि थांथिया हरिसुयारि सरैखाथि, धोरोमारि गियानखौ बांहोनाय। बे दावबायनायखौ थानाय शुक्रबारखालि गोथां

फिरफिला दिन्थिनानै जागायो, जेराव गामि गाहायफोर आरो आगुनि सान्थिफोरजों लोगोसे दिन्थिफुंगिरिफोरा गावसोरनि जानगार गामिफोरनिफ्राय गोलैसोना थानाय गावसोरनि जानगार गामिफोरनिफ्राय गोलैसोना थानाय गावसोरनि सान्नाया हनाय आरो समाजयारि-हारिसुयारिखौ जौगाखां होनो थाखाय थांथि दिन्थिगोन। सुलुनि बायदिक्ला, बिसोरनि दावबायनाय हाबाफारियाव भारतनि माखासे बयनिखुइ मुंदाखा धोरोमानि आरो जारिमिनारि जायगाफोराव दावबायनाया दंफायो। बे दावबायनाया गोदान

दिल्लीनिफ्राय जागायनानै कालचक्र मन्दिर आरो हिमाचल प्रदेशनि धर्मशाला आरो मेकलियडगम्ज दावबायनायनि सिगां मुलुग बौद्ध मिरु आरो राष्ट्रपति भवन दावबायगोन। बे दावबायनाया बधगयाआव जोबहैगोन, जेराव बाहागो लागिरिफोरा महाबधि मन्दिर आरो गुबुन गोथार जायगाफोराव धोरोमनि गोनांथिखौ मोन्दांगोन। बे थांथिया सिमनायाव थानाय फोलेरफोरखौ भारतनि जौगाखांनयजों सरजाबनानै माहारियारि गोग्गाथाव आरो खौसेथिखौ गोखों खालामथाव सान्थिनि बिफावनि सायाव नोजोर होयो।

सा 500 गामियारि गोरफोरनो सरकारि यजना मावफुंनयनि मान बाउनाय जागोन

गोदान दिल्ली, 12 जानुवारि : सरकारिनि यजनाफोरखौ लानानै मिरु आरो राइज्यो सरकारफोरनि गेजेराव दान्थे-बिदान्थे जानाय नुनो मोनोब्लाबो, पन्चायतीराज मावख'नि मोनसे नाजानाया मोनसे गोखों इसार होदोंदि, गाहाइ मन्थि नेरन्द मदिआ जागायजेन्नाय जौगाखां यजनाफोरा हेफाजाबयारि आफादफोरनि गुदिबिथाखौ गोखोंसिन खालामनानै जाफु'सारनायनि फारसे आवगायलांगासिनो। बे दाबि दैखानाया अन्जिमाफोरनिफ्राय रोखा खालामजादों। बेनि थाखाय सुबुं खाथि साननि फोर्बोआव बै गामिनि गाहाइ सुबुंफोरखौ गाहाइ आलासि महैर हांखायहरनाय जादों, जायफोरा गाव-गावनि गामि पन्चायतआव मिरु सरकारनि लाबोनाय मोन 10 नि गेजेराव खमैबो मोन 6 मिरुयारि यजनाफोरनि मुलाम्फाखौ 90 जौखोन्दो एबा बेनि बांसिन मुलाम्फागिरिफोरनिसिम सौहैहोदों। गामि पन्चायत थाखोयाव जौगाखांनयखौ गोखोंसिन खालामनायनि थाखाय पन्चायतीराज मावख'या सम-सम बेबायदि जौसां थियारि खालामनो थाखाय नाजायो, जेराव मोजां खामानि मावप्रा पन्चायत थान्दैफोरखौ थुलुंगा होनो हायो। बेबायदि नाजानायनि गेजेरजों देरलाय गोदान दिल्लीयाव खुंजानो गोनां सुबुं खाथि साननि हाबाफारिनि थाखाय मोन 3 खोलोबआव गामियारि गाहाइफोरखौ हांखायहरनाय जादों।

सिम आंगोनि अनजाली, गिबियावनो आंनि अननाय आरो खुलुमनायखौ नाजावदो अनजाली। आं लाइजामखौ लिरनो गोसो गैयाब्लाबो नैबे समानो आंखौ थिनबाय। गिबियावनो आं मिथिहोहरनाय जायोदि नॉनि अनजालीया आंखौ अनन्नानै नागादो। आं गुबुनजों जुलि जानोसै बै फैगौ बैसाग दाननि 25 अक्टआव। नों गुबुनजों हाबा जादों। मा खालामनो स'ना, नॉनि नोमा नोमफा मोनहा आंनो नोंखौ हरनाय नंखाया आरो जों सानैनि समाय लानाय मोजां मोनलायनाया सिमांडावसो जानांगौ। जौहादि नंख राव गरिब आरो हावरिया-खावरिया थार। एसेनोसै।

मुंद'सल' मुथि रिन्वाव पैमारी

नोंखौ मोनाब्ला?

कक्राबाबारी गामिनि सोनाबहा जिरि बोहेलानाय दैसा गाथोन। बे गाथोनखौ दैज्जानो-मेसं बान्दो थेवाय थानायखायनो बयबो सुबुंफरा बेखौ मायदोंसि बान्दो बुंनय जायो। सानसे खालिनि फुंभिलिनि सम जेब्ला फुं बिलि साना लासै लासै जौबोगो एसेबानो साननि रोदाफ्रा दैसायाव रिफिनानै ख्लाब खिलब समाइना-समायना जासिनबावदों। दावसिन-दावलाफोराबो बासा नागरनानै दैसा सेर-सेर ज'-ज' बिरलांदों। लावखार गथ' दाहोना-रुवाथी आरो गासैबो गामिनि आबादारि सुबुंफ्रा गोगमामै-मैसो फालो-फालो होबोनानै जाय जैर हालएवदों आरो सोरबा सोरबा माय गायदों। गोसो थोलाइनाय-मोजां मोनलाइनाय-सुमु-सुमु मोनदों दाहोना रुवाथी हालजांखाआव ... लोगो लोगोनो गोमखांदों कलबारि गामिनि माइदांसि बान्दोनि दैसा दै बोहेनाय बायदि। दुबुलियाव दाहोना रुवाथिनि जंखानाय-मिननायजों। बे बान्दोयाव दुगौनो फैयो फुंनि, सानसुनि आरो बेलासिनि। बरनि बर' हासं नि हासं बेसे नाइनो ज'रा ज'रा आखाय हमज्जानानै बेरायनो फैयो। खुगा रुजु-रुमु कासिबारिनि सेंग्रा-सिख्लाफोरनि राइज्जानाय आरो गावबा गावनि इयुननि बाश्रा फोरमायलायनाय।

गोरबोनि खोथा राइज्जालो। ... बिसोर सानैबो उन्दै समनिफ्रायनो आमाइ जुमाइ गेले लाइदोंमोन। आरो गुदि फरायसालिनिफ्रायनो। सानफ्रामबो गामि खाथिनि अलसिआ बाजारवाव बिमा-बिफाजों थांफनानै मेथाय जाखं-लौंखां बिमा बिफाखौ नागरना सानैजों न' फारसे फैयो, अब्ला बिसोर लामा गेजेर मोनफेब्ला फांसे बैगि बिफांनि सायाव दसे जिरायनानै फैयोमोन। बिसोर सानैजों ज'गिल जायै-दुब्रि हाग्रायाबो रानलानानै दुल-दुल जालांलायदोंमोन। दिनै जारौ सानाबो बिसोरखौ नुनानै हाबलानो बादों जानांगौ, जायनि जाउनाव खावसे हाबना, खावसेजोंनो जौब्लाव हरबाय थाहरदों।

आं नोंखौ अराय खाथियाव मोनबाय थानो लुबैथो, नाथाय सम-सम आंनि गोसोआ मानोबा गिखाडे अनजाली, नों आंखौ गारनानै..... आंखौ बिब्दि दासान सिमां। बे जोनोमाव आं नॉनि अनगा रावजोंबो जुलि जाया..... सिमांनि खुगाखौ हमथा हरनानै बुडे अनजालीया अब्ला सिमांडा बुडे। नाथाय नोंहा नखराव आंखो गनाय गोन्दा अनजाली। लामानि बिबायारी होन्नानै जोगारनाय नडथ'.....? सिमां, गुबुना मा सानो आं बिखौ मिथिया। नाथाय आंनि थाखाय नों बिबायारी नड सिमां। नाड आंनो धोन-दौलद, नंगौ आंनो खालि नॉनि अननाय, जोजबनाय। आय-आफा, आदामोनहा रायब्लाबो-बुक्लाबो आं नोंखौ जुलि लागोन। आइ लाभ इड स मास सिमां, आइ लाभ इड स मास। मानो बिब्दि बुडे, सिमां आं दुखु मोनो। आं दिनै नैबे मायद्राश्रि बान्दोनि दैसाखौ साखि दोनानै बुडे। जौनि मोजां मोनलायनायनि दौलेंआ थबन्न ज'नांगौब्ला नैबे बान्दोनि दैआनो रानलांगोन नैबे जों ज'नाय अन्थाय थाफायानो थुवप्रा गावना थेर-बेथेर जालांगोन आरो बै नुहुरनाय हिमालय हाजोयाबो हायलांगोन। सिमां आरो नों खोनाफेराखै नामा? मोजां मोन्नाय आरो गोसो थोलायनायखौ रावबो होबथानो हाया। बे बुहुमाव जोनोम लानाय जिब-जिराद, एमफौ-एनला गासैबो मोजां मोनलायनायनि गोजानाव थानो हाया। हामबाय अनजाली बारा बुंक्ला गात्रि

मोनगोन आनान ग'साइआ। मा खालामनो आंनो जाबाय हौवानि फिसा उन सिगांखौ सान नांगो जायो.....। नों मिथिगौ दा अनजाली? आंनि गोसो-मेगननि नोजोरारो नोंजौल'थाडे। आरो नों दाखालै मंगल बाराव रुवाथिफोरजों माय गाइनो थान्था, दै बानाजों बुखार जालांनयाव आं जोबोत थैजानो गिदों। नों थैयोब्लानो आंनो थैफागौमोन। बे दैयावनो बारसोमना। जैरिख जायाब्लाबो आं नोंखौ बोखाना लायथारगौमोन अनजाली। आं हरेर आफांआव दंखायोमोन। खाफाल मोजांनि खोथा आनान गसाइनि अन्नायाव सोरबा सेंग्राजों बोखां जानो मोनदों। जोबोत मोजांनि बाश्रा। अह..... सिमां नोंनो खोथानोसो बावदों आं। दाखालि थानाय बैसागुयाव नॉनि मोजां आरो मेथाय रोजाबनायखौ नुनानै खोनानानै आं आरो आंनि लोगोयाबो जोबोद गोजोनदों। अनजाली..... मा? न' आवलाय थादोना? दिनै बावबाय नामा?..... बिब्दिनो दिनफ्रा बारलांदों सुखु-दुखु आरो खैफोदिनि गेजेरजों। रंजालि सानआबो ओंखारलाय -हाबलाय बेसेबां बार जाखो रावबो बुंस' हाया। माब्लाबानो अनजालीनि गोजौ आनजादिनि फिथायआ जुलाइ दानाव ओंखारबाय। अनजालिया नैथि थाखोआव उथिनो हाबाय। बिहा लाश्र'हायै गोजोनदों। दिनैनि सानायाव गोसोजों गोसो बावहरदों गावनि अनजालु

सिमांखौबो। अनजालिया गोसोजों गोसो सान्दों बे बाराव हले गावनि अनजालुजों लोगोसे कासिकता कलेजावनो ज' फरायजावनो मोनगोन। नाथाय बिफां दखान दारआ कासि कट्टा कलेजखौ मेगन ख'नाजोंबो नायाखिसै। बियो सान्दों गाव बयजोंबो सिनाय जानाय सासे एफा गिदिदर गलादारनि फिसाजोआ बेफोरबादि कलेजआव फरायनाय मानेमिनि जानायसो जागोन। थांथिया बिनि गुवाहाटीनि कटन कलेजाव दोनहरनो। बिनिखायनो बियो गावनि फिसाजो अनजालिखौबो लोगोआव तां फानानै मुं थिसन्नानो लोगोसे हष्टेखौबो नायखानो गुवाहाटीयाव लांफादों। नाथाय अनजालीया इसेबो गोसो गोया गुवाहाटीयाव फरायहैनो। नाथाय बिफांनि बाश्रा लायाब्लाबो जाया। ओजों सिमांइ, अनजालीखौ सानैसो नुयैनि गोदाव-सोराव दंला बायसै। गोसोखौ इसेबो गोजेन्नाय-मोनाखिसै फुंआवनो साइकेल लानानै ओंखारलांदों कासिकत्रा बाजारवाव, गावसोरनि गामि कलबारिनिफ्राय 2-3 माइलसो गोजान जागोन। बियो मटरनिफ्राय ओंखारनायाव लोगो मोनो अनजालिया साहा गलासिम।..... मा मववानै थायामोन अनजालि? आंनि गोसोआदि सानसे-सानै नोंखौ नुवाब्लानो जा बायदि नोंथ' मिथियाना स'ना? आइ एम सरी सिमां/ दु

इड एंग्रि उडट मि? फिलस सिमां। अनानै आंखौ निमाहा हो। नोंखौ 'लोगो हमनायाथ' गोजान जासिगोन। आरो नॉनिसिम बेखौबो फोरामाय हरनो सम मोनाखैदि, आं मेट्रिकखौ नैथि थाखोयाव फास जाबाय। कं ग्रे सुले सन, अनजाली, रंजानायजों हेण्डसेक लायो सिमांआ। टैक इड। हायार अनजाली बे साननैआय नों खोनाब्ला दुखुसो मोनगोन जानांगौ सिमां, आफप्रा आंखौ लाफानानै गुलाहाटीनि कटन कलेजाव मुं थिसन्नोबोबाय। नॉनि गोजौ सोलेंथाय लानो थानायाव आं जेबो दुखु मोना स'ना। नाथाय आंनि आर'ज नों जेन, आंनि अनजालि जानानै थाहैयो, आरो गुबुनिनि अनजाली जानाय नडा थ' ? नोंबो आंखौ बै मायदांश्री बान्दोनि दैसा सेराव नेनानै थाहैनोल' दाबाव। आइ लाव इड सिमां, आइ लाव इड। आइ टु नथ फरगेट इड सिमां। नों सान्दों नामा सिमां? आं गुवाहाटीयाव थानानै गोजेननै थाहैनो हागोनहोन्ना? फुंनि बेलासिनि नॉनि सावगारिखौनो आं फुजिबाय थागोन। आरो नोंखौनो जानायनि-लॉनायनि समाव जेब्लाबो सिमां अनजालु रजे होन्नानै बावहरगोन आं। अनजालि बे बाराव सुमु-सुमु होन्नाय रावा जौनि गेजेराव बारनिफ्रायय बारसिनसो बासा लागसिनो नडासे। बिब्दिनो जाहैबाय। नैबेखौ

लाखि सिमां, बे थंआव जेब्लाबो लाइजाम हरबाय था, थाव-थावनो आरो बावनो मोन्नाय नड, बै मायदांश्री बान्दोनि दैसा गाथोननि अन्थाय थाफायाव समाय-लालायनायखौ... नाथाय सोर बिलाइ? आनजालि नड थ' नंगौ,बिनो मिस अनजाली बसुमतारी। नाथाय बिखौ सोर बर' बुबावनो। आर्थिआव गोजू हाइल सेन्देल जिन्स फिथिं, जेकेट, ससमा गान्नाने करिना कापुर, जुहि सावला मोनबायदि देलायनानै कलेजाव थानायावो बियबो मेगन खेबबाय, मोजां मोनबाय सोरबा बिजों फसे राव रायज्जालयनो मोनब्लानो गोसोखौ देमु-दैआव गोजोमना थानाय बायदि मोनसे बिखौ गावनि कलेजनि प्रफेसार बाबुआबो गावनि मारुटि भेनाव दिखाना लाबोसै, एखनब्ला सोरबा-सोरबा गावनि क्लास फ्रेण्डबो हिर' हण्डयाव दिखाना लाबोनानै बेरायफैसै। बुलुं बुथुरनि फार्क सिडव गोबां खोथा बाश्रा राइज्जायसै, गोसो-थोनाय आरो इउननि बाश्रा, थेवब्लाबो गोजेना अनजालीनि गोसोआ। मानोबा बिहा मागियावनो उन्दै समनिफ्रायनो मोजां मोन्नाय दंखायो। अब्ला..... अनजालिया गोसोखांबाय थासै गावनि अनजालुखौ। बियो फरायनायाव गोसो गैला। बेसमावनो बियो सानसे खालि सिमांनि हरनाय गांसे लाइजामखौ मोन्नायसै।

सिम आंगोनि अनजाली, गिबियावनो आंनि अननाय आरो खुलुमनायखौ नाजावदो अनजाली। आं लाइजामखौ लिरनो गोसो गैयाब्लाबो नैबे समानो आंखौ थिनबाय। गिबियावनो आं मिथिहोहरनाय जायोदि नॉनि अनजालीया आंखौ अनन्नानै नागादो। आं गुबुनजों जुलि जानोसै बै फैगौ बैसाग दाननि 25 अक्टआव। नों गुबुनजों हाबा जादों। मा खालामनो स'ना, नॉनि नोमा नोमफा मोनहा आंनो नोंखौ हरनाय नंखाया आरो जों सानैनि समाय लानाय मोजां मोनलायनाया सिमांडावसो जानांगौ। जौहादि नंख राव गरिब आरो हावरिया-खावरिया थार। एसेनोसै। अनजालिया लाइजामखौ फरायना गाबो आरो दुखुजोंनो बियो गावनि गासिबो देलायग्रा-गानग्रा, जोमग्रा- बिसि जोबनानै गारो आरो ओंखाम जाया लोड थाबाय थायो। आं सिमांखौ जुलि मोनाब्ला कलेज फरायला बियो गावनि हष्टे लनिफ्राय गावनि नसिम फैयो। सिमां अनजालु नों मोजां मोन्नायखौ नंखाय गेलेनाय सान्दों नामा? सिमां नों आंखौ जुलि लायाब्ला बे जोनोमाव, आंनि सोलेरनि सोरजिखानाय धोन दौलटखौ बैरुंगुंयै आरो मिथिसयै लैथोयाव फोजावहरगोन आं .. आं फोजावहरगोन।

तामुलपुरआव सिगांग्रो मागो दमासि फोर्बो खुंदो

तामुलपुर, 12 जानुवारि: तामुलपुर हरिसुआरि मन्सनि बान्जानयायाव गिबि खेबनि थाखाय तामुलपुर महकुमानि सदरआव थायाय रंसारि लेह्गार बर' फोथाराव दिने सानसेनि हबाफारिजो सिगांग्रो मागो दमासि फोर्बो खुंनया जादो। मागो दमासि फोर्बोखो लोब्बा लानानै दिने फुनि 8:00 रिगायाव तामुलपुर हरिसुआरि मन्सनि फिर्फिलाखो आफदागिरि अनुप नाथआ बिरहोनानै हबाफारिखो बेखेवना होयो। बेनि उनावनो 8:15 रिगायाव सिगांग्रो मागो दमासिनि फिर्फिलाखो बान्जय आफदादि आफदागिरि ऋदय परेसआ बिरहोदो। 8:30 रिगायाव गोसोखां मान बाउबो तामुलपुर जिल्ला बिजेपिनि आफदागिरि भिक्तर कुमार दास आरो नाग्रिजुलिनि जर'खा समाज सिबियारि भजन दासआ। 8:45 रिगायाव गहाइ गेट्खो बेखेवनाय जादो। 9:00 रिगायाव बायदि गेलेमु बादयलायनाय खुंनया जायो। 12:00 रिगायाव सावगारि वोनय बादयलायनायखो लाइमोन समाज सिबियारि

रखपन सिह्नाआ बेखेवना होयो। मोनाबिलियाव मोसानाय हबाफारि खुंनया जायो। बे हबाफारिखो दे जागयथय बिफन गेस्वरनि लोगो हिसाब खालामगिरि देजि दासआ बेखेवना होदो। हबाफारियाव नृत्यन्जलि कलाकृष्टि मिरु आरो क्रिएटिभ डान्स एकाडेमि आरिसुगिरिफोर बाहागो लाफेदो। मोनाबिलियाव आलारि बाति फोर्जोनाय हबाफारि खुडे जायगानि गुबुन गुबुन बिथिनि समाज सिबियारिफोर। 5:00 रिगायाव हरिसुआरि हबाफारिखो बेखेवनाय जादो। मोनाबिलिनि 5:15 रिगायाव बान्था आरो जर'खा मान बाउनाय हबाफारि खुंनया जादो। लोगोसेनो 6:00 रिगानिफ्राय देखो, मोसानाय-मुसुनाय मोनाबिलिखो बेखेवनाय जादो। हयव हरिसुआरि हबाफारियाव तामुलपुरनि आरिसुगिरि, हरिसुआरि मावफारिया, फरायसा देदनगिरिफोरजो लोगोसे समाजनि गुबुन गुबुन थाखोनि सुबुफोर बाहागो लाफेदो।

(1 बिलाइनिफ्राय)

गिबि मन्थ्रि कामरुप जिल्लानि चांसारिआव गुन..

बांसिन गोर्खो जानांगोन। गिबि मन्थ्रिआ बुडोदि, गथ'फोरनि गोसोयाव संदानारि सानसि सोमजिहोनांगोन आरो फरायसालिनिफ्रायनो बे बायदि सानसिजो दावगालांहोनानै मोजां सुबु सम्पद दाफुंनयानि गोनांथि जाबोदो। गथ'साफोरनो गोजाम भारतआरि बिगियानि गेजेरजो देहा रेखाथिनि बाध्रा फोरनोनयजो लोगोसे दबा, प्रनायमनि गेजेरजो फरायसालियाव जिउ खुंनयनि खांथि फोरनो नांगोन। गिबि मन्थ्रिआ बुडोदि, फरायसालिनि लांगोनानि गेजेरवनो फरायसाफोरखो बिजाब बरयनयानि फासें गोसो बोहोनो नांगोन। समायना सुबु सम्पदजोसो गंसे समानथाय गोनां समाज दाफुंनया जानो हाथाव होन्नानै बिथाड बुडे। दिनेनि बे हबाफारियाव कामरुप जिल्ला बेगिरि केब कुमार मिश्रा, शंकरदेब शिशु बिद्या निकेतनिन सामब्लाय आफदादि आफदागिरि दिगम्बर नाथ, नेहाथारि अजित डेकाजो लोगोसे गेदेमा सुबुफोर बाहागो लायो। बेनि उनाव बिगि मन्थ्रिआ 2024 माइथायनि गोर्जा ओ गोर्जासिन गेजेरारि जोबथा आन्जादाव जाफुंसारनो हनाय गुन गोनां फरायसाफोरखो बरयनय जायो। नाथाय बे अन्जिमाया बानानै दासादि बरयजानाय गासे सा 2 रेजानिबो बांसिन फरायसाफोर बिबावखो गोग्गाखां होदो। गिबि मन्थ्रिआ बुडेदि, 1863 माइथायाव भारत हादतनि जारिमिनाव सासे महापुरुष, गोदान भारतनि सिमां सुजुगिरि स्वामि बिबेकानन्दनि जोनोम जादोमोन आरो दिने बिथानो बे जोनोम सनाव हादतआव माहारियारि लाइमोन सान महरे फालिनाय जायो। बिबेकानन्दआ फोथायदोमोनदि, गोदान भारत दानयनि मिरु बिन्दोया जादो लाइमोन समाज। बिथाड लाइमोन जोलेखो अगिनमोन्थोरजो दिक्षा लानो खावलायदोमोन आरो लाइमोन समाजनि देहायाव थुलुंगा आरो अरखो फोर्जोनायजो लोगोसे हादतनि जेना सुखानो थाखाय सिंह बायदिदै बरसोमनो बुंदोमोन। गिबि मन्थ्रिआ बुडेदि, भारतआरि समाजा 5 रोजा बोसोर गोजाम। मुलुगनि मोनसे समावनो माखासे समाजफोर गायसनजानयनि बाध्रा मख'नानै बिथाड बुडेदि, बे समाजफोर गोमालांदोमोन। भारतआरि समाजा 5 रोजा बोसोरनि उनाव गोदानि समाज महरे थानानै दं। 2047 माइथायाव गंसे जौगाखां भारत दाफुंनो थाखाय अमृत लामाजो बयखोबो थानो थाखाय गहाइ मन्थ्रि नरेन्द्र मदिआ थुलुंगा होदो होन्ना फोरमायनानै बिथाड बुडेदि, बे गहाइ मन्थ्रिआ फ्रासाफोरनि थाखाय गोदान खाबु सोर्जिदो। आथिखालनि राइज्यो सरकार राइज्योनि सोलोथाइ आबहावाखो बांसिन फोर्जोखानयनि बिथिडव थाद'नाय गैयै नाजागासिनो दं होन्नानै बिथाड बुडे। सिगांनि राइज्योआ गोदानथिनिफ्राय गोजान लामा फावसायनानै थानयनि बाध्रा फोरमायनानै बुडेदि, दिने राइज्योयाव गोदान-गोदान सोलोथाइ फसंथान, उद्यग फसंथान दाफुंजादो आरो लाइमोन समाजनि थाखाय गावनि सिमांजो मोकथां महर होनयनि गोबां लामाफोर गेवदो। बिथाड बुडेदि, गोदान-गोदान जानोहाथावना लामाफोर बेखेवजानाय लोगो-लोगोनो बे जानोहाथावनाफोर लाइमोन जोलेखो थुलुंगाखां होदो। राइज्यो सरकार इन्ट्रिप्रिनिउरनिफ्राय रंखांथियारि खाबुसिम जायफोर खाबु होदो बेनि गेजेराव गोदान जोलेआ गावनि सिमांखो मोकथां महर होनो थाखाय लामा गेवदो। बिथाड बुडेदि, थानाय समफोरव राइज्योआव गोबां सोलायनाय फेदो आरो दानिया समाजाव जिंगासिनांगोनि जायगा गैया। डि निउ यर्क टाइम्स बायदि खौरं बिलाइआ मोनसे समाव आसामाव हारियारि दाड-बाजि, बमा बेरफुहोनाय बायदि खौरं फोसावदोमोन। दिने दावबायारिफोरनि थाखाय मुलुगनि 4 थि गनायथिजानाय राइज्यो महरे बे मोनसे खौरं बिलाइआ फोसावदो। 10 बोसोर सिगां जाय खौरं बिलाइआ आसामसिम थानो रेखाथि नड होन्नानै बुंदोमोन दिने रेखाथि गोनां होन्नानै बुंनयखो जागायजेदो होन्नानै बिथाड बुडे। गिबि मन्थ्रिआ बुडेदि, फरायसाफोर गोदान नोजोरथिजो गासेबो आयदाफोरखो नायनो नांगोन। गोदान बिरांदाभिनि सोमोन्दे गियान लानानै गोदानथि गोसो दाफुंनोमोन। बिथाड बुडेदि, राइज्योयाव बगियाननि गेजेरजो गोदान सांग्रांथि लाबोनेब्बा गोदान जोलोनि गेजेराव गियान आरो बिजिरसंनयनि गोदान आलारि फोर्जोनां नांगोन। गिबि मन्थ्रिआ बुंवावोदि, बिमा-बिफानि फारफोमबो जाफुंसारनायसिम सोलायनायनि बिबाना गथ'फोरनि। जाय लामाजो जिउआ दावगालांदो बेयाव गोमजोरै थानो थाखाय गिबि मन्थ्रिआ फरायसाफोरखो खावलायहरो। दिनेनि बे हबाफारियाव एमएलए दिगन्त कालिता, गुवाहाटी मुलुगसोलोसालिनि भाइस चेन्सेलर प्रफेसार डू ननि गपाल महन्त, जिल्ला बेगिरि देबकुमार मिश्रा, गागि सोलोथाइगिरि डू गौरांग शर्माजो लोगोसे माखासे गेदेमा सुबुफोर बाहागो लायो। गुबुन फार्सेथिं, गिबि मन्थ्रिआ दिने रडिया क-डिस्ट्रिक्टनि सिडव थानाय बरदलगावनि रंसारि धर्मेन्द्र नाथनि न'याव नुजाथिहैनानै बिथानि मुसुखायाव मान बाउहेनानै बिथानि जिउमानि अराय गोजोर्ननि थाखाय आर'ज गाबो। मान बाउनाय समाव एमएलए भबेश कलिता, कामरुप जिल्ला बेगिरि देब कुमार मिश्राजो लोगोसे गोर्जा थाखोनि बिबानगिरि आरो ओन्सोलनि राइजो-रजाफोर बाहागो लायो।

मागो दमासिखालि दर 5 जिल्लयाव अखा हागोननि सांग्रांथि होदो बोथोर बिगियान बिफाना

बोथोरा मा महर लागोन बेखो लानानै जिंगासिदो माखासे सुबुफोर। मानोना थानाय माखासे सान सिगां राइज्योनि दाब-दाब जायगाफोरव जुब-जुब अखा हादोमोन। धेमाजि-लखिमपुरजो लोगोसे माखासे राइज्योयाव अन्थाइ-बाहुंखाया गोबां खहा खालामदोमोन। दिने बोथोर बिगियान बिफाना दर 26 जिल्लयाव इथेल्ल एलाट फोसावदो। खोला सालमारा, धुबुरि, कक्राइर, चिरां, बडङगाव, गवालपारा, बरपेट, बाक्सा, नलबारि, कामरुप, कामरुप (नोगोरमा), मरिगाव, चरं, उदालगुरि, शनिपुर, नगाव, तिनिसुकिया आरो डिब्रुगड जिल्लयाव इथेल्ल एलाट फोसावदो। बोथोर बिगियान बिफाना सांग्रांथि होनाय बायदिदै इथेल्ल एलाट फोसावनाय जिल्लाफोरव दिने रोजा खुवा खुगोन। डिब्रुगड, तिनिसुकियाआव 13 जानुवारीखालि बोथोर बिगियान बिफाना इथेल्ल एलाट फोसावदो। बे दरसै जिनयव 13 जानुवारीखालि रोजा खुवा खुगोन। 14 जानुवारीआव राइज्यो दर 5 जिल्लयाव इथेल्ल एलाट फोसावदो बोथोर बिगियान बिफाना। बोथोर बिगियान बिफाननि सांग्रांथि बायदिदै धेमाजि, शिबसागर, डिब्रुगड, तिनिसुकिया आरो चराइदेव जिल्लयाव मागो दमासि एबा 14 जानुवारीखालि जुब-जुब अखा हानो हागो।

राइज्योफोरनो गोगो गाइखेर दाखा-क्रिम जगायनो बाक्सानि गाइखेर फानग्राफोरा..

मानास माहारियारि पार्कनि साखाथियाव थानाय बाक्सानि काहितामा, लाबदांगुरि, सुकुंबारि, सामथाइबारि बायदि ओन्सोलाव दिहुन्नाय जायो। बे ओन्सोलफोराव माखासे मोसो-मैसोनि बाथोन डडि। बेनिफरा दिहुन्नाय गोबां बिबानि गाइखेरफोरखो लानानै साखाथिनि सरभग आरो बरपेट रडिसिम लांनय जायो। बेयावनो बे गाइखेरनिफ्राय गोर्जा थाखोनि मिलौदो गाइखेर दाखाखे दिहुन्नाय जायो। जर'खा गोसोनि थाखाय बे ओन्सोलनि मोसो-मैसोफोरनि गाइखेरआ गोर्जा थाखोनि जायो होन्ना बाथोननि बिगोमाफोर फोरमायना होदो।

(1 बिलाइनिफ्राय)

माहारियारि लाइमोन साननि...

रामानुजन, माधवाचार्य, महापुरुष श्रीमन्त शंकरदेबमोन बायदि गेदेमा जोहोलावफोरनि सोरजिनाय भारतआरि सोदोमस्त्रिखो जौगाखां होबोदो। बिसोर गेदेमा जोहोलाव एबा महापुरुषआ गावआरि खामानि, बोसोन आरो जिउ सान्थौजो भारतआरि सोदोमस्त्रिखो अरायसम गोसारहोनाय मोनसे सोदोमस्त्रिसिम सोलायहोदो। डू शर्मांआ बुंदोदि, जायफोर महापुरुष एबा गेदेमा जोहोलावफोर भारतआरि सोदोमस्त्रिनि अराय सम बोहैहोनाय गोखैथिखो सिगांलांहोदो बेबायदि सासे गेदेमा जोहोलावमोन स्वामी बिबेकानन्दआ। बिथाड बुंदोदि, भारतबर्षजो लोगोसे मुलुगनि गुबुन गुबुन जायगायाव स्वामी बिबेकानन्दआ बे समावनो दावबायनानै भारतआरि सोदोमस्त्रिनि रंजानायखो मुलुगनाडे गोसारहोदोमोन। गिबि मन्थ्रिआ बुंदोदि, स्वामी बिबेकानन्दनि जोनोम सानखो हादतनाडे माहारियारि लाइमोन सान महरे फालियो। मानोना स्वामी बिबेकानन्दनि जिउआ लाइमोन समाजखो थुलुंगाखां होनानै दरसे गोर्खांधार भारतबर्ष दानायमोन। आथिखालनि राइज्यो सरकारआ बुथारनाय-हिंसा खालामनाय आरो गोसो गैयैनि सोलाय 2021 माइथायाव दरसे गोजोन आरो जौगाखानायनि आसाम सोरजिनायनि थांखिखो जागायजेदोमोन होन्नानै बिथाड बुंदोदि, बे थांखि लानायनि फिथाइखो राइज्योआ फारियै मोन्नो जागायजेदो। आथिखाल समाव राइज्योआव बुथारनाय-हिंसा खालामनाय, बमा बेरफुनया सोमावसारनाया जोब्बाय होन्नानै बुंदोदि, मोनसे समाव थैजो गाब गोनां जानाय गुवाहाटी नोगोरमानि गणेशगुरियाव आथिखालाव मागो-दमासिनि रंजानायखो नुनो मोन्नाय जादो। मोनसे जिथाय सिगाडव बुथारनाय-हिंसा खालामनायाव मोगा-मोगि जानाय असमीया हारिया दिने गोदान सान्नाय-हनाय आरो गोदानै सिगांलांनो थुलुंगाखां एबा साहस मोन्दो होन्नानैबो बिथाड मख'दो। दा निउयर्क टाइम्स खौरं बिलाइयाव बावैसो आसामनि सोमोन्दे मख'जाथाव खौरं फोसावजानयनि बाध्राखो मख'नानै गिबि मन्थ्रिआ बुंदोदि, बे खौरंलाइयाव फोसावनाय बादिदै दावबायारिफोर दावबायनो हनाय मुलुगनि दर 52 मख'जाथाव जायगाफोरनि गेजेराव आसामआ ब्रैथि जायगा मोन्नो हादो होन्नायजो लोगोसेनो राइज्योनि बायदि आयदाखो लानानै बिबुंथि लाखिदो। दिनेनि बे हबाफारियाव एमएलए आरो भारतआरि जनता पार्टी, आसाम प्रदेश आफदागिरि भवेश कलिता, एमएलए दिप्टु रन्जन शर्मा, श्रीमन्त शंकरदेब कलाक्षेत्र समाजनि नेहाथारि सुदर्शन ठाकुर, भारतआरि जनता युव मर्चा, आसाम प्रदेशनि आफदागिरि राकेश दासजो लोगोसे मर्चानि बिबानगिरिफोर, सोदोराभा आरो माखासे मान गोनां सुबुफोर बाहागो लाफेदो।

चापरआव स्वामी बिबेकानन्दनि जोनोम सान फालिदो

बिबार बाउजेनो आरो आलारि बाथि फोजोडे। आलकर जात्रानि नेहाथारि तिलक चन्द्र शर्मानि दैदेन्नायाव मोनसे मेल खुंनय जायो। बे मेलाव आजिरा मोन्नाय गोरायुं आरो धुबुरि जिल्ला साहित्य सभानि बारम' आफदागिरि तरनि कान्त रायआ गुबुन गुबुन बिथिंखो लाफानानै स्वामि बिबेकानन्दनि सोमोन्दे बिबुंथि होयो। लोगोसे गेगि समाज सिबियारि उत्तम पद्मआबो सुंद' बिबुंथि होयो। बे मेलाव गागि समाज सिबियारि निखिल घष, प्रसान्त पद्म, ललित माल्लाह, सुपनन शिल, चित्तरन्जन पाल, दिलिप दे, बाबुलाल तातेर, उत्तल गृह, बिउति गृह कर्मकार, बापि गृह, सुपन शिल मोनजो लोगोसे फरायसाफोरबो बाहागो लायो।

रुंसारि गपाल चन्द्र बसुमतारि गोसोखां जोलुर बादायलायनाय..

फारागथियाव फेजेनो आरो बरहुंखा क्लब कक्राइरआ थामथि जायगा आवग्रिनो हायो। बिटिसिनि एमसिएलए दनेस्वर गयारी, अल आसाम मास्टार अफ एथलेटिकनि मावकुं आफदागिरि मागुराम बालारी आरो गोबां गेदेमा सुबुफोर जोबथा बादायलायनायाव बाहागो लायो आरो ट्रिफोखो गथायनानै होयो। देरहासार हान्जाया ट्रिफिजो लोगोसे 50,000 रं, रानासंआप हान्जाया 30,000 रं आरो थामथि मासिआ 20,000 रंखो गथायनानै होयो। साया-माया कलाबनि बान्जानयायाव मुंदांखा जोलुर गेलेगिरि आरो समाज सिबियारि गपाल चन्द्र बसुमतारिनि गोसोखांथियाव खुंनया बे जोलुर बादायलायनायाव गासे मोन 8 जोलुर हान्जाफोर बाहागो लायो।

निखावरि राइजो-राजाफोरनो गावसुंथा आफाद बिरांगनाआ..

लोगोसे गासे 200 निखुइ बांसिन सुबुफोनि गेजेराव गोर्जा बोथोरनि जि आरो सामफ्रोमबो बाहायजानाय जि-जोमफोरखो गथायना होदो। बिरांगनानि आफदागिरि मुनालिनी डेका कलिता आरो नेहाथारि कबिता चौधुरीमोननि दैदेन्नायाव साफ्रोमबो सोदोमाफोर खोसे जानानै फुनि समाव गामियाव फेयो आरो गामिनि गेवलां फोथाराव फेनाय जायखि जाया बैसोनि हौवा-आइजो, गथ'साफोरनि गेजेराव जोमग्रा सादर, सुडुटर, मेक्ला सादर, ब्लाउस, कामिज, लंपेन, स्पर्टि, स्कुल बेग बायदिफोरखो गथायदो। बे हबाफारिनि सोमोन्दे खौरं बिजोडव बिरांगनानि आफदागिरि मुनालिनी डेका कलिताआ बुंदोदि, उन्दे बैसोआव जुलि लानाय, दायना बुथारनाय, गथ'सा लेवार बायदि समाजनि जेनाफोरनि हेथायै गावसोर सरसनसा सुबुफोरनि गेजेराव थाद'नाय गैयै सांग्रांथि सोरजिनायनि थांखिजो खामानि मावबोदो। लोगोसेनो गिखंथाव समाजारि बांसावनायफोरखो फोजोबनायनि थाखाय हबाफारि लालांबाय थागोन होन्ना बुंदो। बेनि थाखाय समाजनि गासेबो सांग्रां थाखोनिफ्राय हेफाजाव आरो बोसोन होनायखो हांखायदो। बे जेनाफोरखो फोजोबसांनयनि साथेआव बिरांगनाआ महकुमानि गुबुन गुबुन सोलोथाय फसंथानजो लोगोसे गामि ओन्सोलफोराव गुबुन गुबुन आयदनि सायाव गियान गोनां सुबुखो फुंखा सुबु महरे हांखायनानै नेम बादिदै सांग्रांथियारि मेलबो खुंदो। मख'नो गोनांदि, दान्ने सिगांबो आफदाआ महकुमानि साखाथियाव थानाय सत्यपुर गामिनि सरसनसा सुबुफोरनि गेजेराव जि-जोमफोरखो गथायनायनि सेथि हबाफारि खुंदो। गसाइगावनि माखासे जि-जोमनि फालांगिफोरजो लोगोसेनो माखासे अन्सायारिफोर गावनि गोसो बायदिदै गथायनाय दिनेनि बे जि-जोम गथायनाय हबाफारियाव बिरांगनानि बोसोनगिरिफोर फारियै-शंकर चौधुरी, मृनाल कलिता, राजनयन ब्रह्म, सत्यपुर गुदि फरायसालिनि लोगो फोरंगिरि आरो समाज सिबियारि कमल कुमार साह, लाइमोन फालांगिरि महात्मा शावमोनाहबो बाहागो लादो।

(1 बिलाइनिफ्राय)

उमरांस'नि खैला खनियाव थाबथानाय मावफारिया खुशिमहन रायनि गोथै सह बोखांदो

जानुवारीखालि दुखुनांथाव महरे खैला खनियाव थाबथानानै दंमोन। जाय खौराड बिथानि नख'रआव दावराव-दावसिनि थासारि सोमजिहोदोमोन। नख'रनि सासेल' आर्जिग्रा खुशिमहन रायआ गोर्खो देहाजो गावनि न' फासें फेफिन्नो थाखाय इसोरनिसिम आर'ज गावदोमोन नख'रनि सुबुफोर। लोगोसे गिबि मन्थ्रि हिमन्त बिश्व शर्मांखोबो खावलायहरदोमोन। नाथाय गासेबो फेले खालामनानै जोबथारनायाव खुशिमहन रायनि गोथै सह बोखांनो हानायनि खौरां फेयो। उमरांस'नि खैला खनियाव थाबथानानै थानाय मावफारिया खुशिमहन रायआ गोर्खो देहाजो न' फासें फेफिन्गोन होन्नानै मिर्जिथिनाय नख'रा बे खौरांखो मोन्नायनि उनावनो नख'रआव दुखुनि सायखं सागलोबो। मिथिनो मोन्नाय बादिब्बा, दिने हराव कक्राइरनि सिथिला माजगावनि न'याव मावफारिया कुशिमहन रायनि गोथै सहया सफेनो हागो। गुबुन फार्सेथिं, खौरां बिजोनि सिगाडव एमएलए रबिराम नाजरीआ बिथानि बियाबनि सासे सुबुडव नख'र खुंनो थाखाय जिउ बाउनो गोनां जानाय जाथायखो गोर्खो फिनजाथाय होदो। बिथाड खौरां बिजोनि सिगाडव बे खैला खनिया आयेन बेरेखाल' नड निखावरिनि आर्जिनायनि मिरु महरे जम राजनि मोनसे देखर होन्नानै बिथाड बुडे। बिथाड आयेन बेरेखायै खैला जावखानायजो लोब्बा थानाय सुबुफोरखो हमनानै आयेनआरि साजा होनांगोनि दाबि दैखाडे। लोगोसे बिथाड जिउ गोमानांनय मावफारियाफोरनि नख'रनो साखि आरो रंखांथियारि अन्सुंथाइ होनांगोनि दाबि दैखाडे। बेनि अनगायैबो खुशिमहन रायनि सानै फिसाजोनि सोलोथाइनि बिबानखो सरकारखो रुजुनो खावलायहरो। अरुन्दय बिथांखिनिफ्राय जानगाराव थानांनय खुशिमहन रायनि नख'रनो अरुन्दय बिथांखि होनाय जागोन होन्नानै खोथा हाजो एमएलए रबिराम नाजरीआ। मख'नो गोनांदि, थानाय 8 जानुवारीआव एमएलए रबिराम नाजरीआ खुशिमहन राय आरो सर्पा बर्मनिन न'याव नुजाथिहैनानै 10 रोजा राडे रंखांथियारि अन्सुंथाय होदोमोन। मख'नो गोनांदि, जिल्लानि भावरागुरि ओन्सोलनि सर्पा बर्मन मुनि मावफारियाआबो खैला खनियाव खामानि मावनो थानानै बे खैला खनियाव थाबथानानै दं आरो दासाथि सर्पा बर्मनिन सायाव जेबो खौरां मोन्नो हायाखे।

डिमाकुसिनि दैमु नोगोर फोथाराव बर' थुनलाइ..

आफदागिरि डू सुरथ नाजरीआ। गेवलां मेलाव गहाइ आलासि महरे बाहागो लाफेयो फारियै राइज्योनि केबिनेट मन्थ्रि पियुष हाजरिका, बिटिआर गहाइ प्रमद बर', बिटिआरनि लेडइ गहाइ गबिन्द बसुमतारि, केबिनेट मन्थ्रि उर्खाव गोर ब्रह्म, अशक सिंहालजो लोगोसे बिटिआरनि गोबांधार मावकुं सोदोमाफोर, थुनलाइगिरिफोर आरो मेलेमजिबिफोर बाहागो लायो। बिथामोननि अनगायैबो सोनाब बंग, भुटान, नेपाल, मेघालय, म्यानमार, त्रिपुर, बांलादेशनि बर' फोलेरनि सुबुफोरबो आलासि आरो थान्दे महरे बाहागो लाफेदो।

बर' हामारियारि आफदा आरो हारिनि सिन्धि बर' थुनलाइ आफदादि खुंगा 64 थि बोसोरसालिया जथुम्माया जाफुंसार महरे आरो गोग्गाथावनायै खुंफुं जालांनयाव उदालगुरि जिल्लानि गुबुन गुबुन हरि-माहारिनि खोसेथियै नांथाबनायनि फिथाइ आरो बे जथुम्माया खोसेथिनि दौलेखोबो गोर्खो खालामनायाव मदत होदो होन्नानै बुंनो हायो। डिमाकुसिनि दैमु नोगोरनि बे जथुम्मानि गेवलां मेलाव बिबुंथि लाखिनानै बाहागो लाफेनाय सुबु अन्जिमाखो नायनानै बिटिआर गहाइ प्रमद बर'आ बाखायनानै बे जथुम्माखो खोसेथिनि नेसोन होन्नानै बुडे। लोगोसे बर' रावखो हारिमायारि थाखोयाव लानानै थानो हनाय बादिदै आरो हारिमायारि राव महरे गनायथि मोन्नो थाखाय बर' थुनलाइ आफदा आरो दुलाराय बर' फरायसा आफदाआ नांथाबनाय थानायखो साबायख'र होनानै फेगो समावव मदत आरो हेफाजाव होलांनयनि बाध्रा होयो बिटिआर गहाइ बर'आ। बिथाड बर' थुनलाइ आफदादि जौगाखानाय लाबोनो आरो बर' रावनि फासें अन्सायलानायनि फासें गोनांथि होनानै बर' रावआव बिजाब दिहुनलानो थाखाय बोसोरफ्रोमबो 1 (से) कौटि रंखांथियारि अन्सुंथाय होनाय जागोन होन्नानै मुखि बर'आ बुडे।

डिमाकुसि दैमु नोगोर फोथाराव खुंनया 64 थि बर' थुनलाइ आफदादि बोसोरसालिया जथुम्मानि दिने जोबथा सानखालिबो गुबुन साननि बादिनो हारिनि हरिसु खेरइ, बागरुम्बा, बारदेसिखलाजो लोगोसे गोबांधार मोसानाय, दामनाय-देनायबो दिन्थिफुंनय जायो। लोगोसे जायगानि गुबुन गुबुन हरि-हारिसाफोरनिबो मोसानाय दिन्थिफुंनानै बाहागो लागिरिफोरनि गोसो गोजोनगलाय होनो हायो। जथुमसालिआव हरिसु दिन्थिफुंनय बादिनो मेल सालिनि दिन्थिफुंसालियाबो अन्सायगिरि सुबुफोरनि होंगो-दोंगो जानानै हाबनो आरो ओंखारनो लामा मोनलायै जानाय नोजोर गोलेयो। मेल सालिनि खाथियावनो गायसनाय हाथायसालियाव बायग्रा-फानग्राफोरनि होंगो-दोंगो जादो जथुम्मा जागाय जेनायनिफ्रायनो। बाइजोनि गुबुन गुबुन हाथाय-बाजारफोराव मोनफुंनय बादिनो दैमु नोगोर जथुम्मानि साथायसालियावबो बोथोरनि मैगं-थाइगंफोरजो लोगोसे अमा बेदरनिफ्राय लानानै ना-दाव बाइदि मोनफुंनयालय बायग्राफोरनि होंगो-दोंगोनि नोजोर गोलैदो। दैमु नोगोरनि गहाइ साइनासालिनिफ्राय लानानै दिन्थिफुंसालि, हाथायसालि, लामा-सामा जैरेबो-जेरावबो बाहागो लाफेनाय सुबुफोरनि बाना जानायखो नुनो मोन्नाय जादो। बुंनो थाडेब्बा रोजा रोजा हारि-माहारिनि गोरोबथिनि महर मोन्दो दैमु नोगोर जथुमसालि फोथाराव।

मख'नो गोनांदि, -1952 माइथायाव जोनोम मोन्नाय बर' माहारियारि आफदा बर' थुनलाइ आफदाया बिमानि राव आरो थुनलाइखो फोजोखानायाव आथिखालनि समाव बर' हारिनि अनगायैबो गुबुन गुबुन सुबुफोरबो बर' रावखो अन्सायनानै बर' रावआव सोलोथाय लानाय आरो फोसावनायाव मैखोम बिफाव आजावनायखो बाखायनानै गिबि मन्थ्रिआ बिटिआरनि जौगाखानाय आरो बर'फोरनि थाखाय ओन्थोर गैयै हबा माववासिनो दड होन्नानै गहाइ आलासिनि बिबुंथिआव मख'दो केबिनेट मन्थ्रि पियुष हाजरिकाआ। जोबथा साननि मोनाबिलिनिफ्राय बाइदिसिना हरिसुयारि हबाफारि खुंनयाजो लोगोसेनो बलिउडनि देंखोगिरि मर्नालि ठाकुरआ बाहागो लाफेगोन होन्नानै मिबथि मोन्नाय जादो।

आसामनि राइज्यो बेगिरिया 'लाइभस्टक एन्ड..

फालांगियारिफोर बाहागो लायो। बे हबाफारियाव राइज्यो बेगिरि आचार्यआ बुडेदि, बे रोखोमनि एक्सप'आ आबादारिफोर आरो फालांगियारिफोरखो गावसोरनि दिहुन्थायफोरखो फाननो आरो आत्मनिर्भर जानायाव मदद होयो। 'बे एक्सप'आ थारेनो ओंथिगोनो जागोन जायखो मागो-दमासिनि फोर्बोखो गोरोबहोनानै खुंनया जादो,' होन्नानै बिथाड बुडे। गहाइ मन्थ्रि नरेन्द्र मदिनि दैदेन्नायाव गायखेर दिहुन्थायाव भारतनि दैदेन्नायखो नोजोर होनानै राइज्यो बेगिरिया बुडेदि थानाय गु बोसोराव आबादार आव गायखेर दिहुन्थाया 57.62 जौखोन्दो बांदो, जाय मुलुगनां सानजेर 2 जौखोन्दोनि रुजुनायाव 6 जौखोन्दोनि बोसोरारि बानाय हारजो जादो। बिथाड बे जाफुंसारनायनि मुंखो हायुडारि गकुल मिशननो होयो, जाय गायखेर दिहुन्थायाव मुलुगनां दैदेनगिरि महरे भारतनि थाथायखो गोर्खो खालामदो। राइज्यो बेगिरिया मोनसे आत्मनिर्भर आसामखो मोनदोनो थाखाय राइज्यो सरकारनि रादाइखोबो बाखायो जेराव आबादारिफोरा मोनसे गोनांधार बिफाव लायो। बिथाड बुडेदि गोदान-गोदान हबाफारिनि थाखाय हेफाजाबारि बिथांखिफोर आरो राडरि हेफाजाबनि गेजेरजो आबादारिफोरखो गोहो होनो थाखाय गोनांधार नाजागासिनो दं। आचार्यआ 'आसाम डेयरी जौगाखां बिथांखि'नि थांखिफोरखो नोजोर होयो, जायनि थांखिया सानफ्रोमबो 1 मिलियन लिटर गायखेर दिहन्नाय। बिथाड बुडेदि, 'सरकारनि गोर्खो नाजाथाबनायजो, जो मिर्जिथियोदि आसाम थाबैनो गाइखेर दिहुन्थायाव आत्मनिर्भर जानो हागोन।' बिथाड बे फालिथायाव आबादारि सुबु समाजखो सरकारि बिथांखिफोरनि आबुं मुलाम्फा लानो खावलायो, अरायथा जौगानायखो रोखु खालामनो आरो जौगाखां भारतआव आसामनि नाजानायाव बिहोमा होनो खावलायो। राइज्यो बेगिरिया मिर्जि थियोदि 'लाइभस्टक एन्ड पलट्री एक्सप'-2025'आ राइज्योनि लाइमोनफोरखो बे बिथिडव खाबुफोरखो बोजबना लानो थाखाय थुलुंगा होगोन, जाय मोनसे आत्मनिर्भर आसामनि नोजोराव मख'जाथाव बिहोमा होगोन। बे हबाफारियाव पाब्लिक हेल्थ एन्ड इन्जिनियारि बिफाननि मन्थ्रि जयन्त मल्ल बरुवा, जिब-जुनात फिसनिय आरो जुनात फाहामथाय बिफाननि मन्थ्रि कृष्णन्दु पल, आसाम लाइभस्टक आरो पलट्रीनि मासिगिरि मनज सइकिया, जुनार फिसनिय आरो जुनार फाहामथायनि गहाय नेहाथारि मनिस थाकुर, जिब-जुनात फिसनिय आरो जुनार फाहामथाय बिफाननि सामलायगिरि अनिल चन्द्र देउरि आरो गोबां गुबुन गेदेमा सुबुफोर बाहागो लायो।

उदालगुरिआव भारत सरकारनि फालांगि आरो फोरमायथाय बिफाननि मन्थ्रिआ दावबायफेदो

फोसायनानै सतेन्द्र बसुमतारिनि नाजानायखो बाखायो आरो बिथानि ड्रेगन फिथाइ आबादिनि जाफुंसारनायखो बाखायो। मख'नो गोनांदि, उदालगुरि जिल्लानि जाफुंसार आबादारि सतेन्द्र बसुमतारिआ गिबियाव 3 बिधा हायाव ड्रेगन फिथाइनि आबाद मावदोमोन। एमजिएनरेगा बिथांखिनि सिडव 1.81 लाख रॉनि रंखांथियारि अन्सुंथायजो बिथाड जाफुंसारनो हानानै आथिखालाव गासे 4 बिधा हायाव आबादखो फुवारदो।

गाहाम देहानि राहा

गुसु बोथोराव सुग्रें जायोब्ला माखासे बेमारफोरा गोजान जायो

सुग्रें आ देहानि थाखाय जोबोद मुलाम्फा गोनां। बिखानि महरजों गोरोबनाय गोजा आरो गोथां गाबनि सुग्रें आ दैयाव सोमजियो। बेयो रोखोमसे मौसुमि बोथोरनि फिथाइ आरो बेयाव माखासे ओरैबायदि देरहोग्रा लावहोग्रा गुनफोर मोन्नाय जायो, जाय आथिखालाव माखासे रोखोमनि बेमारफोरनिफ्राय रेखा खालामनायाव बान्जाय जाथाव जायो। मुंदांखा आयुर्बेदिक डा. अबशर मुल्तानीनि बुंनय बायदिब्ला, सुग्रें आ देहानि थाखाय जोबोद मुलाम्फा गोनां। जर'खायै बेयो बिखानि बेमारफोरनि थाखाय बानजाय जाथाव मुलि। लोगोसे गोदोनायाव माननाय, मेंनाय, बुखांनय आरो ब्रंकाइटिसआवनो मुलाम्फा गोनां। ओरैने जों बेखौं जायखि जाया समावनो जानो हायो। नाथाय उदै खालियाव बेखौं जानाया बांसिन मुलाम्फा गोनां होन्ना गानाया लानाय जायो। बेयाव भिटागिन ए, सिट्रिक एसिड, फसफरास, भिटागिन सि, मेगनिज, थायामिन, कार्बहाइड्रेट फाइबर, आयडिन आरो गोबां बिबानि मेगनिसियम मोन्नाय जायो, बे गासै देरहोग्रा लावहोग्रा गुनफोरा



देहानि थाखाय मुलाम्फा गोनां। (1) थायरडइडआव मुलाम्फा गोनां : सुग्रें डव थानाय आयडिन, मेगनीज बायदि मिनारेल्सफोरा थायरड आरो गोदोनायाव जानाय बेमारखौ होबथानाय गाहाय बिफाव लायो बियो हाइ प्रेसार आरो लिरथाइखौ खम खालामनायावबो मुलाम्फा गोनां। (2) जन्डिस बेमारनिफ्राय रेहाय होयो : जन्डिस बेमार जायोब्ला देहायाव सानाय सुनाया बाडो। बेराफार्से सुग्रें डव सानायखौ सामलायग्रा गुन थायो, जाय जन्डिसनि थाखाय मुलाम्फा गोनां जायो। (3) आइजोफोरनि थाखाय मुलाम्फा गोनां : प्रेनेनयाव सुग्रें

जानायजों बिमा आरो फिसा सानैबो गाहामै थायो। बेनि अनगायै बेयो पिरियडसनि जेनाफोरवबो गाहाम जायो। (4) गेसनिक्रायबो रेहाय मोनहोया : उदैनि जेनाफोरखौ बाडइ खालामनायावबो सुग्रें जानाया गोबां मुलाम्फा मोनहोयो। बेयो गेस, एसिडिडि, खिगोरा खिनाय आरो उन्दै दुनाय बायदि जेनाफोरनिफ्राय रेहाय होयो। लोगोसे ओंखाम उखुयै जेनाखौ बाडइ खालामनायावबो मदत खालामो। (नट : बेयाव होनाय राहाखौ सोरबा बोसोनगिरिनि बोसोन महरै लानो नाड। मानोना बेखौं सोलोथाइ होनाय जोजरजोंसो होनाय जादों।) □

'जनि डेप' आ गावनि मुंआव खैसार साग्रा सुबुंफोरनिफ्राय सांग्राडै थानो थाखाय अन्साइगिरिफोरखौ खावलायदों

हलिउडनि फावखुंगुर जनि डेपनि मुंनि सायाव खैसार खालामनाय जाबाय थादोंमोन। जेब्ला बे खैसार सानाय बाश्राया फावखुंगुरनि खोमासिम सौहैयो अब्ला बिथांआ सशेल मिडियाआव मोनसे परस्ट शेयार खालामनायै गावनि अन्साइगिरिफोरनो मिबथि होयो। अदेबानि बिथांनि मुं आरो फेक सशेल मिडिया आरो इमेल एकाउन्टनि मुंआव खैसार सादोंमोन। जनि डेपआ इन्सटाग्रामआव शेयार खालामनायै लिरोरिदि, बयनिसिमबो गोदान बोसोरनि गाहाम हामब्लाइनाय थाबाय, दुखुंनथाव बाश्रा आरो आं मिबथि मोन्दोंदि, अनलाइन खैसार सानानै आनि अन्साइगिरि आरो फल'वार्सखौ आनि मुंखौ बाहायनानै थांखि खालामदों। गावनि रजखान्थिनि गेजेरजों बिथांमोनहा आं आरो आनि टीमनि सोद्रोमाफोरनि मुंनि सायाव माखासे नंखाय सशेल मिडिया आरो इमेल एकाउन्ट



बानायदों। फावखुंगुरआ सांग्रां खालामनायै लिरोरिदि, जों बेफोर आयेन बेरेखा खैसार सानायनिफ्राय बारग'नो थाखाय एक्टिभ महरै खामानि मावगासिनो दं। खैसार सानायाव आनि गुबै महर आरो गारंनि बायदिनो नुनो हागौ। सावगारि शेयारि एपआव फावखुंगुरहा 28 मिलियनखुइ बांसिन फल'वार्स दं। बिथाड बुडोदि, आं जायखि जाया सशेल मिडिया प्लेटफर्म इमेलनि गेजेरजों एबा चेट-बेस्ट प्लेटफर्मनि गेजेरजों थांजोडै अन्साइगिरिफोरजों बाश्रा सावराया। आं एक्स, स्नेपचेट

एबा डिस्कडआव गेया आरो आं पेडमिर्ति, फन कल, क्लाव मेम्बार्शिप एबा फेन कार्ड अफार खालामा। जुदि नोंथांमोनखौ माल्लाबाबो बेफोरनि थाखाय रं दाबियोब्ला, बेयो फ्रडसो। गलडेन रलब देरहागिरिया गावनि केरियारनि जागाय जेन्नायाव सासे मिउजिसियान महरै जागायदोंमोन। बिथांआ 1984 आव हरर सावथुन 'ए नाइटमेयर अन एल्म स्ट्रिट' निफ्राय फिचर फिल्मजों लोगोसे डेब्यु खालामदोंमोन। बेनि उनाव बिथांआ 1986 आव फेनाय 'प्लाटुन' आव नुजाथिदोंमोन। □

मुकेश खान्नाआ हलिउड सावथुनाव खामानि मावजो खाबु मोन्दोंमोन

हिन्दी सिनेमानि मुंदांखा फावगिरिफोरनि गेजेरव सानफाजानाय मुकेश खान्नाआ आथिखालावबो 'शक्तिमान' आरो 'महाभारत' बायदि स्व'आव गावनि बिफाव होनायनि थाखाय सिनायथि जायो। बेनि अनगायै बिथाड गावनि माखासे फिनजाथाय होनायफोर आरो पडकारस्टखौ लानानै खौराडव थाबाय थायो। मुकेशआ बावैसो सिगां मोनसे इन्टाभिउआव मिबथिहोयोदि, बिथाडा गावनि केरियारनि जागोयजेन्नाय सानफोरव मोनसे हलिउडनि सावथुन खालामनो नागिरदोंमोन, नाथाय बिथाड गावनो बे प्रजेक्टखौ नागारदोंमोन आरो सावथुनखौ खालामाखैमोन। लोगोसेनो बिथाडा जाहोनखौबो फोरमायदोंमोन। मुकेशआ



मिबथि होयोदि, जेब्ला बिथाड सावथुननि स्क्रिप्टखौ बियो अब्ला बिथाड मोनाखैमोन। बे सावथुननि कास्टिंखौ फावखुंगुर-डायरेक्टर मधुर जाफरिआ खालामदोंमोन, जाय 1960 आव फावखुंगुर सइद जाफरिजों जुलि जानायमोन। मकेशआ मोनसे जाथायनि सोमोन्दै फोरमायना मिबथि होयोदि, सानसेखालि आनि आखायाव हलिउडनि मोनसे सावथुन फेदोंमोन, जायनि मुंआ

कृष्णामोन। जॉनि बेवहाय सासे जोबोद मुंदांखा कारिंट डायरेक्टर दंमोन, बिथांनि मुंआनो जादों मदुर जाफरि। जाय हलिउड सावथुनफोरनि थाखाय भारतीय फावखुंगुरफोरखौ कास्ट खालामोमोन। आंनाव मोनसे कल फेयो आरो बुडोदि, मुकेश जों 'कृष्ण' सावथुन बानायनो नागिरदों, नोंथाडा नॉनि प्रफाइलखौ हरनो हागोन ना? आं सान्दोंमोनदि, बेयो 'महाभारत' जों सोमोन्दो

थागोन? मानोना सावथुननि मुंआ 'कृष्ण' मोन। बिथाड मिबथि होयोदि, जेब्ला आं स्क्रिप्टखौ बियो अब्ला मधुर जाफरिआ गोमोथावना आखु दिन्थिनो हयो। बबेखानि बिथाड बुडे, नड नड नों नॉनि प्रफाइलखौ हर'। जों फनआव बाश्रा सावरायबाय थादोंमोन। बेनिखायनो आं बिथांनाव सल'नि सोमोन्दै सोंथि खालामदों। बेखौं खोनानानै बिथाड खुद्रिबाय। उनाव सइद साहाबआ फनआव फेनानै बुडे, बिथाड नॉनाव हा बियाखै, खालि नॉनि सावगारि आरो प्रफाइलखौसो बिदों। आंबो फिन्याय होयो, आंबो नोंथांनाव

हा बियाखै खालि स्क्रिप्टखौल बिदों। मुकेश खान्नाआ मिबथिहोबावोदि, बिथांनि आखाइनिफ्राय मोनसे गिदिर सावथुननि खाबुआ गलांबायमोन। बिथाड मोनसे सावथुननि अफार मोन्दोंमोन, नाथाय डायरेक्टरआ बुडोदि, शशि कापुरजोंबो बाश्रा सावरायगासिनो दड आरो उनाव स्क्रिप्टखौ हरगोन। आथिखालाव सोरबा फावखुंगुरआ बे बायदि खाबुखौ नागारगोन, सान्ना नायदो। नाथाय बै सावथुना शशि कापुरजोंबो बानाय जायाखैमोन। बेयाव सइद जाफरिआ 'कृष्ण' नि बिफाव लादोंमोन। □

बिग बस 18 नि कन्टेस्टेन्ट चुम दरंनि हेफाजाबाव अरुणाचल प्रदेशनि गिबि मन्थिआ ओंखारबोदों



बिग बस 18 नि ग्रेन्ड फिनलेआ खाथियाव सौफैबाय, अरुणाचल प्रदेशनि गिबि मन्थि पेम खान्दुआ चुम दरंनि हेफाजाबाव गावनि आखाय फोलावदों आरो अन्सायगिरिफोरखौ बिथांखौ भट होनो थाखाय खावलायदों। 'बधाइ हो' आव गावनि फावनि थाखाय मुंदांखा जानाय चुमआ टप 9 आव जायगा बानायदों आरो हादरि स्टेजआव अरुणाचल प्रदेशखौ रिप्रेसेन्टेसन खालामदों। सशेल मिडियाआव खान्दुआ चुमनि दावबायनायखौ गोमाथाव होन्ना बाखायनानै लिरोरिदि, 'आंहा बेखौं मिबथिनानै गोजोन्नाय मोन्दोंदि, चुम दरंआ अरुणाचल प्रदेशनि पासिघाटनि फिसा, बिथाड रिप्लिटी स्व' बिग बस 18 नि टप 9 आव सौहैबाय। चुम दरंनो भट होनो दाबाव। आं आसा खालामोदि, बिथाड देरहागोन आरो फेनो गोनां बोसोरव माखासे मोन्नो हाथावफोरखौ मोनगोन। चुम दरंनिसिम आनिफ्राय गाहाम हामलायनाय थाबाय।' बिग बस 18 आव चुमनि दिन्थिफुनाया गासै हादतनि नायगिरिफोरखौ मुहनि नांहोदों। बिथांनि कन्ट्रल एबा हमथाना थानाय आरो गोखों थांखिया अन्सायगिरिफोरनि गोसोखो बोनो हादों। बावैसो सिगां टिकेट टु फिनले टाक्सनि गेजेरजों बादायलायनायाव बिथाडा भिबियन डिसेनाजों मोगा-मोगि जादोंमोन। दुखु मोनसेयावबो चुमनि रेसिलिएन्स आरो गेलेनायनि स्क्रिप्टआ मोनसे मोजां नेरसनो होलांनय जादों। बबेखानि बिबियनआ टाक्सखौ देरहादोंमोन। सलमान खाननि गेजेरजों खुंफुनाय स्व'आ 19 जानुवारिखालि जोबगोन, जायखौ अन्सायगिरिफोर नायनो थाखाय एक्साइटेड जानानै दड। □

फावखुंगुरि भिमिआ गावसिनि समाव गासै गिदिर स्टारफोरजों खामानि मावदोंमोन

बलिउडआव माखासे ओरैबायदि फावखुंगुरिफोर दं, जायनि सावथुन फारसे दावबायनाया जोबोद सुंद' जादों। नाथाय गावसिनि सुंद' के रियारआव बिथांमोनहा जाफुंसारनायनि बिदेखौ साखिदों आरो बिसोरनि रंग'थिआ माखासे स्टारफोरनिखुइ खमसिन नडमोन। 60-70 जौथायाव बिब्दिनो सासे फावखुंगुरि दंमोन, जायनि मुंआनो जादों भिमि। भिमिनि केरियारआ जोबोद सुंद'मोन, नाथाय बिथाडा गावनि बे सुंद' केरियारआव बै समनि गासै गिदिर स्टारफोरजों हिइन हिसाबै सावथुनफोरव खामानि मावदों। गावनि 10 बोसोरनि केरियारआव बिथाड मोनसेनि उनाव मोनसे हिट सावथुनफोर होदों। नाथाय बुंनय थाखाय अन्साइगिरिफोर उसु-खुथु जायोमोन। बै समाव भिमिहा बेसेन गोसा गारिफोरनि फारसे इन्टरेस्ट दंमोन। बिथाड जेब्लायावो लेटेस्ट मडेलनि गारिफोरजों सुटआव थाडोमोन। परिआ बायदि समायना नुनाय फावखुंगुरि भिमिआ बलिउडआव आगान होफेनाय समाव बिथाड सिगांआवनो जुलि जाखानायमोन आरो



गोखैथिजोंनो बिथांनि केरियारनि ग्राफआ दावखलायलादों। आथिखालाव जानो हागौ बिथांनि मुंखौ रावबो गोसोआव गैला, नाथाय मोनसे समाव सावथुन मुलुगाव बिथांआ दोहौ सोमजि होयोमोन। बिथाडा गोबां फेन फलइं दंमोन आरो बिथांनि मोनसे नुथाइ नायनो थाखाय अन्साइगिरिफोर उसु-खुथु जायोमोन। बै समाव भिमिहा बेसेन गोसा गारिफोरनि फारसे इन्टरेस्ट दंमोन। बिथाड जेब्लायावो लेटेस्ट मडेलनि गारिफोरजों सुटआव थाडोमोन। परिआ बायदि समायना नुनाय फावखुंगुरि भिमिआ बलिउडआव आगान होफेनाय समाव बिथाड सिगांआवनो जुलि जाखानायमोन आरो

बिथांहा सानै गथ'फोरबो दंमोन। बेनि उनावबो बिथाड स्टार जानो हादोंमोन। अदेबानि, बलिउडआव बै समाव जुलि जाखानाय फावखुंगुरिफोरनि केरियारखौ जोब्याय होन्ना मानिनाय जायोमोन, नाथाय भिमिआ मोनसे नेसनो होदों। भिमिआ बलिउडनि माखासे मुंदांखा फावखुंगुरिफोरनि मादाव सासेमोन, जाय गावसिनि समाव सुनिल दत्तनिफ्राय लानानै शशि कापुर, रज कुमार बायदि गिदिर स्टारफोरजों लोगोसे खामानि मावदोंमोन। भिमिनि जोनोमआ 1943 माइथायाव पान्जाब जाल्थरआव जादोंमोन। बिथांनि जुलिया उन्दै बैसोआवनो बै समनि मुंदांखा इन्डास्ट्रियलिस्टनि फिसाज्जला शिब अग्रवालजों जादोंमोन। भिमिनि पेरैन्सफोर बिथांनि जुलिनि बेरेखामोन। शिब आरो भिमिहा सानै गथ'फोर जायो। सानै गथ'नि बिमा जानायनि उनावबो बिथांआ बलिउडआव ब्रेक मोन्नायनि सल'आबो जोबोद मुजिथावनामोन। □

'पाताल लोक' नि गोदान सिजनआ माखासे सेलेन्सफोरजों मोगा-मोगि जानादों

प्राइम भिडिअनि मुंदांखा सिरिज 'पाताल लोक' नि गुबुन खोन्देखौ नेनाया बांदों। हाथिराम चौधुरीआ नागालेन्ड थांनो थाखाय जाय आगानखौ बाययदों, बियो गासै हादताव मोनसे गोदान दोहौ सोमजि खांहोदों। बे खेबाव इन्स्पेक्टर हाथिराम चौधुरीआ समाय रैना फरिदा जलाल आरो रिंकु सिंह बायदि फावफोरनि थाखाय सेलेन्सफोर मोन्दों। बे

फावआव गावसिनि थाखुमाना थानाय सल'फोर आरो गोथौ बाश्राफोरनि गेजेरजों हाथिरामनि सिगांआव गोदान सेलेन्सफोर नुजाथिदों। मोनफ्रोम सेलेन्सेसनि सिंआव मोनसे गोथौ ओंथि थाखुमाना दं, जायनि इन्स्पेक्टरखौ दायनिगिरिनि बे गोदान मुलुगाव आरो गौथौसिनाव लानानै थाडो। पाताल लोकनि सोमोन्दै गावनि गोजोन्नाय मोन्नायखौ



फोरमायनानै मुंदांखा कमेडियान समय रैनाया बुडोदि, बे स्व'आ जोबोद एपिक। गिबिया सिंजनआव मिनिहोनाय-जंखायनाय आरो माखासे डायलगाफोर दंमोन, जाय मिम्स जादों आरो गावनि फेनबेस खालामना लादों। पपुलार क्राइम थ्रिलर फ्रेन्चाइजजों लोगोसे आरो हाथिरामनि आइकनिक फावजों जयै खामानि मावनो मोन्नाया आनि थाखाय मोनसे थाबैनो गनायथावमोन। पाताल लोक सिजन 2 आव हाथिराम चौधुरीखौ मोनसे गोदान लामायाव लादों, जेराव बिथांनि गोहो आरो सुबुं माहारिखौ सिगांनिखुइ बांसिन टेस्ट खालामनाय जायो। जेरै-बिथांआ गिखंथाव दायनिगिरिफोर आरो गावनि पार्सनेल जेनाफोरजों मोगा-मोगि जायो। बे थ्रिलरखौ अभिनाश अरुण धबरेआ डायरेक्टर खालामदों, अदेबानि बेखौं क्लिन स्लेट फिल्म आरो युनइया फिल्मआ लोगो नानानै प्रडिउस खालामदों। सुधिप शर्माआ बेनि सल लिरदों, क्रि येटबो खालामदों आरो एक्टिउडिभ प्रडिउसरबो। □

हलिउडनि फावखुंगुर केमरुन मैथिसनआ गिखंथाव अर खामनायनि भिडिअखौ शेयार खालामदों

लस एन्जल्स, केलिफर्नियाआव मंगलबारनिफ्राय हाग्रायाव अर खामनाया गोबां ख'हा खालामबाय। अरआ पेसिफिक पलिसेडस, पासाडेना आरो अल्टाडेना बायदि ओन्सोलाबो गोसारहैदों, जायखौ मुंदांखा स्टारफोरनि न'नि थाखाय मिबथि जायो। बुधबार मोनाबिलिसिमाव अरआ हलिउड हिल्ससिम सौहैबायमोन आरो सहरनि माखासे बाहागोफोरव 2,000 निखुइ बांसिन बिल्डिंगफोर खामनानै सेव हांगार जाबायमोन। बे गिखंथाव अर खामनायाव दासिमबो 16 सुबुंफोरनि जिउ गोमानायनि खौरं मोन्नाय जादों। अर खामनायजों गासै सहरआ जिंगा सिनांनय जादों आरो सुबुंफोरा रैखाथि जायगाफोरव खारलांगसिनो दं। केलिफर्नियानि मोनसे हाग्रायाव अर खामनायखौ 'सान्ता एनास' नि गोबां बार बारनायआ आरोबाव बांसिन गोसारहोदों, जायनि जाहोनाव अरनिफ्राय रैखा मोन्नो गोब्राबसिन जादों। बे अर खामनाया दासिमाव 42 बर्ग माइलनि



स्मृति मन्धनाआ हाफ सेन्सुरिजोंं जारिमिन थिसन्दोंं

गोदान दिल्ली, 12 जानुवारी: भारतन आइजो क्रिकेट हान्जाया सोलिफु सानाव नख 'परि फोथागव आइयारलेन्डन हेंथायै खेबथाम मेचन वान्डे सिरिज गेलेगसिनो दड; जायनि गिबि बादायनायाव भारतआ 6 उडकेटजोंं देरहादोंं। नैथि मेचआवबो भारतन हान्जाया मिजिंथि बायदि दिन्थिफुनो हादोंं। बे सिरिजआव हमनप्रिंटन बाहागो जायै आव के प्टेन बिबानाव थिसनजानाय अपेनि बेटसमेन महेरें ओंखारनाय स्मृति मन्धनाआ गिबि 41 रानन इन्स गेलेदोंं, जेराव नैथि बादायनायाव बिथाडा 73 रान लानानै जख्हा रेकर्ड सिसन्दोंं। बे इन्सजोंंनो आइजोफोरनि वान्डे क्रिकेटआव भारतनखुइ बयनिखुइ बांसिन गुबुन गुबुन हादतफोरनि हेंथायै हाफ सेन्सुरि रान गेलेनायनि रेकर्डआ मिताली राजनि मुडाव दड, जेराव सोलिफु सिरिजआव खेबसे



हाफ सेन्सुरि लानायजोंं बिथाडा बे फारियाव नैथि नम्बरआव सौहैबाय, जायनि लामायव बिथाडा आयारलेन्डन हेंथायै हाफ सेन्सुरि लानायजोंंनो अन्जुम चप्राखौं गाख्हायदोंं। मन्धनाआ गावनि वान्डे केरियारआव दर 9 हादतफोरनि हेंथायै हाफ सेन्सुरि रान लानो हाबाय। बे फारियाव मिताली राजआ दर 10 हादतफोरनि हेंथायै बेबायदि रान लानायजोंं

गिबियाव आरो दर 8 हादतनि हेंथायै बेबायदि इन्स सामलायनायजोंं अन्जुम चप्राआ नैथि मासिनफ्राय दावख्हायनायै थामथियाव सौहैबाय। बे फारियाव मन्धनाआ इलेन्ड आइजो हान्जानि हेंथायै बयनिखुइ बांसिन 50 रानन इन्स गेलेदोंं, जेराव बे हान्जानि हेंथायै बिथाडा खेब 8 इन्सआव हाफ सेन्सुरि एबा बेनि बांसिन रान थिसन्दोंं।

महन बागान एसजिआ गोख्रोंं सेलेन्जनि मेचआव देरहानानै आगानसे आवगायदोंं

गुवाहाटी, 12 जानुवारी: महन बागान सुपर जइन्टआ गुवाहाटी नोगोरमानि इन्द्रा गान्धी एथलेटिक स्टेडियमाव इस्ट बेंगल एफसिखौं 1-0 गलआव फेजेन्नासै सोलिफु इन्डियान सुपर लिगनि कलकाता डाबिआव गावसोरनि गोख्रोंं आगानखौं लाखिनो हादोंं। बे समाव जेमि मेक्लारेनआ आइएसएलनि जारिमिनाव कलकाता डाबिआव गावनि रोंगोथिजोंं अन्सायगिरिफोरनि गोसोखौं देरहादोंं। मानोना बिथाडा बे मेचआव बयनिखुइ गोख्रोंं गल सोनानै जारिमिन सोरजिदोंं। बिथानि नैथि मिनिटनि स्ट्राइकआ लोसिफु सेम्पियननि थाखाय देरहानायनि फोरमान जादोंं, जेराव बिथानि मदतजोंंनो हान्जाया 35 पइन्टजोंं बयनिबो जासिनाव जायगा लानानै दड। बे हान्जाया नैथि मासियाव धानाय बेंगालुफ



एफसिनफ्राय 8 पइन्ट बांसिन आवगायनायजोंं गावसोरनि मासिखौं गोख्रोंंसिन लाखिना दड। गुबुन फारसे इस्ट बेंगलनि हान्जाया खेब 15 मेचफोरव 14 पइन्टजोंं 11थि मासियाव जायगा लानानै

दड। कलकाता डाबिआ अन्सायगिरिफोरनि गोसोआव जायगा मोन्नानै दड, जायनि थाखाय बे मेचखौं नायनो बिथामोना हांखुर जानानै थायो। मख'नाय जायोदि, रैखाथियादि

जाहोननि थाखाय कलकाता डाबिखौं बे खेबाव गुवाहाटीआव लाबोनाय जादोंं। बे मेचनि हाफ

समनि जोबनायथि इस्ट बेंगल एफसिआ आवगायनो हादोंं। बे समाव जेक्सन सिं, बिष्णु आरो किलटन सिलवाआ गोख्रोंं गाग्लोबग्रा महेरै हान्जानि हान्थिनायाव जर'खा बिहोमानि महेर लादोंं। मेचनि नैथि हाफआव मोन्नै हान्जानि गेजेराव गोख्रोंं सेलेन्ज होज्जलायनायखौं नुनो मोन्दोंं, जेराव महन बागानआ अब्लावो गावसोरनि आदबजोंं दबथायनानै बलआव बांसिनै आर्थि खोख्लैनो हादोंं। नाथाय मेचनि 64थि मिनिटआव इस्ट बेंगलआ सा 10 गेलेगिरिफोरजोंं ओंखारनो गोनां जादोंं, मोनोना सौभिक चक्रबतिआ पेनाल्टि एरियानि साखाथियाव लिस्टन कलाकनि सायाव फाउल खालामदोंं।

भारतआ वर्ल्ड पेटेल लिग बाब्जायनो थियारि जाबाय



गोदान दिल्ली, 12 जानुवारी: वर्ल्ड पेटेल लिगआ भारतआव जरखा अन्सायजानाय फारसे आगान सुरगासिनो दड। बे रंजाथाव बादायलायनाय इभेन्टआव मुलुगनि मुंदाखा पेटेल गेलेगिरिफोर बाहागो लाफेगोन, जेराव सा 32 गेलेगिरिफोर बेयाव सेलेन्स होगोन, जायखौं मोनब्रै हान्जाफोरव बोखावनाय जागोन। इन्डियान पेटेल फेडरेशननि मदतजोंं बे इभेन्टआ फेगो 5-8 फेब्रुवारीनि गेजेराव मुम्बाइयाव खुंजागोन। बे टुर्निमेन्टआ सानब्रैनि उनाव थुंगेगोन, जेराव खेब 7 मेच बादायनाय जागोन। पेटेलआ मोनसे रेकेट बिथायारि गेलेमु इभेन्ट, जेराव बेखौं टेनिस आरो स्वासजोंं रोखोमसे नुयो। बे इभेन्टखौं मोनसे गेजेराव होथेनाय नेटजोंं बादायनाय जायो, नाथाय कर्टनि अरथाया जरखायै टेनिसनिप्रथय गुवारसिन जायो। बे टुर्निमेन्टनि गिबि सिजनखो दुबाइयाव खुंनाय जादोंंमोन। क्लावदिया पार्नादिज अनगायै मुलुगनि मुंदाखा गेलेगिरिफोर बे इभेन्टआव सेलेन्स होफेगोन। बेनि सायाव भारतीय पेटेल फेडरेशननि आफदगिरि स्नेहा आब्रहामआ खोंगिरिनि गेजेरजोंं गावसोरनि बाब्जायनो थियारि जानायखौं फोरमायदोंं, जेराव हादतआव गिबिये बाब्जायनो मोन्नायखौं बिथाडा खाफाल गोनां फोरमायदोंं।

हाइद्राबाद तुफान्सआ सुरमा हकिखौं फोजेन्नानै हकि इन्डिया लिगआव मिजिंखौं गोथाडै लाखिदोंं



हान्जानिसिम बनास पइन्ट लाबोदोंं। बे खेबाव हाइद्राबादन हान्जाया भेदान्ता कलिं गालान्सार्सजोंं सेलेन्जआव ओंखारदोंं। गुबुन मोनसे मेचआव इउपि रुद्राजआ दिल्ली एसजि पाइपास'खौं 3-1 गलआव फे जेन्नो हादोंं। मख'नाय जायोदि, दिल्ली एसजि पाइपास'आ दिनेनिफ्राय रान्चिआव जागायनाय आइजोफोरनि हकि इन्डिया लिगआ उरिष्या वारियर्सनि हेंथायै सेलेन्जआव ओंखारदोंं। बे समाव दिल्लीनि केप्टेन नवनित कौरआ हान्जाखौं सिगांफारसे आवगायहोलांनो नाजादोंं।

गोदान दिल्ली, 12 जानुवारी: हाइद्राबाद तुफान्सनि हान्जाया हकि इन्डिया लिगनि गोख्रोंं बादायलायनाय मेचआव पेनाल्टि सुट आउटआव सुरमा हकि कलाबखौं 4-3 गलआव फेजेन्दोंं, जेराव बेनि सिगां मोन्नै हान्जाया नेमखान्थियारि थिखानाय समाव

1-1 गलआव डू गेलेदोंं। सुरमा क्लाबनि थाखाय निकलास देलाटरेआ 8 मिनिट आरो हाइद्राबादन थाखाय अमन्दिप लकराआ 40 मिनिटआव गल सोदोंं। हाइद्राबादन गल क्लिपर डमिनिक डिकसनआ साडेन डेथआव मोजाडै दिन्थिफुनानै

आसामनि हिन्जावसाफोरनि हान्जाया नेसनेल जुनियर रल बल सेम्पियनसिपनि बिमुं देरहादोंं



गुवाहाटी, 12 जानुवारी: आसामनि हिन्जावसाफोरनि हान्जाया 16थि नेसनेल जुनियर रल बल सेम्पियनसिपआव मोजाडै दिन्थिफु'नानै अन्सायगिरिफोरनि गोसोआव रंजानाय दोहौं लाबोनो हादोंं।

उन्ध प्रदेशनि कुर्नुलआव खुंजानाय बे सेम्पियनसिपआव आसामनि गेलेगिरिफोर बेरेखा बादायारिफोरखौं बांसिन समावनो दबथायनायजोंं बिमुंखो देरहादोंं। बे सेम्पियनसिपनि बिमुंनि बादायनायाव आसामनि

आइजोफोरा राजस्ताननि हान्जाखौं 4-2 स्करआव फेजेन्दोंं। गुबुन फारसेथिं बे समाव हौवाफोरनि हान्जाया गावसोरनि मोजां फर्मखो लाखिनायाव फेलें जाहेंदोंं। आसामनि हिन्जावसा गेलेगिरिफोरनि बेबायदि दिन्थिफुनाया अन्सायगिरिफोरनि गोसोआव गोदान मिजिंथि लाबोदोंं, जेराव इयुनिन समाव माहारियारि आरो हारिमायारि थाखोआव आरोबाव जाफु'सारनाय मोनगोनखौं मिजिंथिदोंं। गुबुन फारसेथिं हौवासाफोरनि हान्जाया बे गोरोन्थिनिफ्राय सुद्रायनो नांगोन आरो इयुनिन सेम्पियनसिपआव गोदान इन्जनिनि गोहोजोंं ओंखारनो जान्जि खाफ्रानो नाजानांगोन।



आसाम सरकार

गासै आसामआरिनिसिम मागो दमासिनि मुडै
गोसो गोबोर्निफ्राय गाहाम हामब्लायथि जासिहरबाय।
बयनिबो जिउआ सुखु-गोजोनजोंं
जौगाथोंं।

ड॰ हिमन्त बिश्व शर्मा
गिबि मन्थि, आसाम

13 जानुवारी 2025

फोरमायथाय आरो सुबुं फोनांजाव बिथोनगिरि मावख', आसामजोंं फोसावजानाय

Connect with us [f](#) [x](#) [i](#) [v](#) @diprassam [dipr.assam.gov.in](#)

Janasanyog /D/11621/ 24/13-Jan-25

आसाम बार्ता सावस्क्राइब खालामनो 7636834943 आव Assam लिस्नानै ह्वाट्सएप खालाम